

禮記章義

禮記卷之七

樂記第十九

按漢河間獻王集諸生采將宦友諸學製作樂記凡二十四卷後劉向校書得二十三篇

篇目具見別錄今樂記斷取其中屯子篇爲一篇事在劉向之前但今考十一篇所稱樂本樂論樂極樂言樂情樂化樂象言平實師乙魏文侯者其章段之分介編次之先後多亦莫可考矣朱子曰古禮樂書其因學者皆言其義至於器數則不復曉蓋失其本矣臨川吳氏曰劉向所得二十三篇又與河間獻王所撰二十四卷不同其十一篇合爲一篇者蓋亦刪取要畧非全文也

凡音之起由人心生也人心之動物使之然也感於物而動故形於聲聲相應故生變變成方謂之音比音而樂之及于戚羽旄謂之樂樂者音之所由生也其本在人心之感於物也

此音聲○此首言凡音皆

由心而生而樂本是以生也聲謂語言音謂歌詠不常之謂變有定謂之方于戚武舞也羽旄文舞也人心感而遂通故宣見於口

而爲聲聲與聲相應自然生清濁高下而爲變至變而成歌詩之  
方法則謂之音矣由是比合其音而播之人音宣之萬舞則樂名  
焉蓋推音樂與人心相爲終始之故乃一篇之大指也○詩疏曰  
單出曰聲雜比曰音哀樂之情發見於言語惟是聲耳至於作詩  
之時則次序清濁節奏高下使五聲爲曲似五色成文卽是爲音  
古吳何氏曰方猶言曲調也清濁高下萬有不齊是之謂變至曲  
調旣成則有倫有是故其哀心感者其聲噍以殺其樂心感者其  
聲嘽以緩其音心感者其聲發以散其怒心感者其聲轟以厲其  
敬心感者其聲直以廉其愛心感者其聲和以柔六者非性也感  
於物而後動唯音爲發去聲樂音洛嘽音開○此歷言人心感於物而動故形於聲之言也噍則聲而無澤殺則減而  
不隆嘽則闢而無餘緩則紆而不迫發則生而下窮散則施而無  
積轟則高而且急厲則猛而且暴直則無委曲廉則有分際和則  
不非柔則致順比此六者乃情也非性也性者喜怒哀樂是故先王慎  
哀樂之未發情則感於物而動所謂發而中節者也  
所以感之者故禮以道其志樂以和其聲政以一其行刑以防其

姦禮樂刑政其極一也所以同民心而出治道也

行去聲○此因言先王慎其所

以感人心者而制為禮樂刑政之屬以導之也蓋音樂起於人心而聖王即以音樂正人心故禮以道其志而使無偏樂以和其聲而使無戾政以教不能而一其行刑以罰不率而防其姦四者雖殊其致則一凡先王之同民心而出治道者不外於此蓋不但音樂與人心相為終始而其所係者均可見矣○凡音者生人心者也情動於中故形於

聲聲成文謂之音是故治世之音安以樂其政和亂世之音怨以

怒其政乖亡國之音哀以思其民困聲音之道與政通矣

樂音洛生人心

當依下作坐於人心○此申言聲相應而生變變成方而為音之意而因以見其通於政也成文猶言成方自其法度謂之方自其文理謂之文也治世政事和諧故音安以樂亂世政事乖戾故音怨以思亡國政事蕩滅故音哀以思蓋音生於所感而所感之家樂出為治之得失此聲音與政相通而先王慎所以感者以是也宮為君商為臣角為民徵為事

羽為物五者不亂則無怙懣之音矣

怙音規字書作愬義同懣音去聲○此以下詳言音與政

通之實蓋兼音之比於樂者以推之也宮商角徵羽所謂五音君  
臣民事物其應也劉氏曰五音之本生於十二律之黃鐘黃鐘之  
律其長九寸每寸九分九釐一絲是為宮音之數宮三分損一  
以下生徵則去二十七得五十四徵三分益一以上生商則加十  
八得七十二商三分損一以下生羽則去二十四得四十八羽三  
分益一以上生角則加十六得六十四角之數三分之不盡一算  
其數不行故音止於五此其損益相生之次也以經言之其數如  
其律分之數宮屬土絃用八十一絃音至濁於五音獨尊故為君  
象尚屬金絃用七十二絃音次濁故次於君為臣象角屬木絃用  
六十四絃音事清半濁居五音之中故次於臣為民象徵屬火絃  
用五十四絃音其音清有民而後有事故為事象微屬水絃用四  
十八絃音至清有事而後用物故為物象此其大小通較之次也五  
音固本於黃鐘為宮然還相為宮則其餘十一律皆可為宮既為  
宮則宮必為君而不可下於臣商必為臣而不可上於君角民徵  
事羽物皆以次殺其有臣過君民過臣事過民物過事者則不用  
正聲而以半聲應之此又正變相構不拘其次而因以不失其次  
之法也估濫謂不和也聲音之道必五者各得其理而不宮亂則  
亂則八音克諧而估濫不作也此見治世之音與政通也宮亂則  
荒其君驕商亂則敗其臣壞角亂則憂其民怨徵亂則哀其事勤

羽亂則危其財賈五者皆亂迭相陵謂之慢如此則國之滅亡無

日矣吸音吸○荒者治之反吸者平之反也承上言若宮或亂則

危而言慢兼驕壞怨勑而○陳氏曰五音含君臣民事物之

象必得其理方調得律呂否則有臣陵君民過臣之類而謂之奪

倫矣此却不比漢書附會其有此事老髮不可差設物各相奪倫

即其國君臣民事物必多有不盡如州鳩師曠皆能以此知彼正

是樂與鄉衛之音亂世之音也比於慢矣桑間濮上之音亡國之

音也其政散其民流誣上行私而不可止也比去聲○比近也桑

間桑中濮上是也濮上衛濮水之上史記衛靈公適晉舍濮上夜

間琴瑟召師而聽而寫之至晉命為平公奏之師曠曰此師延

所廢之樂武王伐紂師延投濮水而死聞此聲必於濮水之上此其

事也○陳氏曰言周私謂淫蕩之私也由政散故民流而誣上以行私

也此見亂世亡國之音與政通而即鄉衛以實之也○長樂陳氏

曰心以感物情動形為聲而音成治世以道勝欲其音安以樂雅

頌之音也政其有不和乎亂世亡國以欲勝道其聲怨以怒哀以

異政夫知音自與政通蓋其道本於心與情然也書云八音在治  
忽爾語云政象樂亦斯意也愚按鄭聲淫其於衛孔子獨以爲  
而此言衛反甚於鄭者蓋考風俗鄭較淫於衛而驗政治則較  
於鄭鄭風淫蕩多在下衛風慘亂多在上如新臺詩無所見也朱傳  
其爲上者至於如此而桑間濮上應於下豈鄭詩無所見也朱傳  
之論鄭聲蓋詳以至篇附論此以見言各有當爾也首章言先王  
之盛人心在於禮樂政刑四者而本篇以論樂爲主○凡音者生  
故自此章而下進言樂與三者相通之意以申明之  
於人心者也樂者通倫理者也是故知聲而不知音者禽獸是也  
知音而不知樂者衆庶是也唯君子爲能知樂是故審聲以知音  
審音以知樂審樂以知政而治道備矣此承上章申言樂與政通  
而遂兼發之也倫類也理分也謂通乎萬物倫類之分理也方氏  
曰凡耳有所聞者皆能知聲心有所識者則能知音道何所考者  
乃能知樂若匏巴鼓瑟流魚出聽伯牙鼓琴六馬仰秣此禽獸之  
知聲也魏文侯好鄭衛之音齊宣王好世俗之樂此衆庶之知音  
也孔子在齊所聞季札聘魯所觀此君子之知樂也鄭氏曰唯君  
子能知樂故審樂殺之音則知爲志微噤殺之音審噤殺之音則

知爲啾諧慢易繁文簡節之音如此之類所謂審聲以知音也審  
克諸肉好順成和物之音則知和樂與焉審流辟邪散伏成滌滯  
之音則知淫樂與焉所謂審音以知樂也審樂之和則知是故不知  
知其政和審樂之乖則知其政乖所謂審樂以知政也是故不知  
聲者不可與言音不知音者不可與言樂知樂則幾於禮矣禮樂  
皆得謂之有德德者得也禮記○律呂曰禮理也樂順倫理故  
理之中皆禮所寓知樂則通其政於禮矣上節樂與政言而推其  
傳於治此節樂與禮言而推其得於禮者蓋禮樂施諸政事爲移  
風易俗之要而反諸身心是故樂之隆非極音也食饗之禮非致  
味也清廟之瑟朱絃而疏越立倡而三歎有遺音者次大磬之禮  
尚玄酒而俎腥魚大羹不和有遺味者矣是故先王之制禮樂也  
非以極口腹耳目之欲也將以教民平好惡而反人道之正也大  
義  
之大音泰和好惡通去聲○隆盛也致亦極也朱絃練朱絃爲絃  
也疏通也瑟底孔曰越遺者不盡之意也承上言得禮樂以爲政



本如此故禮樂之盛不在乎極音致味而在於德如清廟之瑟練  
朱絃以爲絃使其聲濁疏瑟底之孔使其聲遲其詩歌一人倡三  
人從而默和之此其中蓋有不盡之餘音也大饗之禮尊以玄酒  
爲肉俎以生魚爲醢其大羹亦不以滋味爲和此其中蓋有不盡  
之餘味也由此以推則先王之制作豈以徇欲哉教民平其好惡  
則人道復乎其正而身世有淑於德矣此卽下文所謂人爲之節  
而大禮必簡大樂必易之意也○邵氏曰文王之瑟有遺音大饗  
之禮有遺味而後世貴爲者其音味非極乎而德有餘也則禮樂  
聲假於外亦貴其有得於身心而矣○人生而靜天之性也感於物而動性之欲也  
物至知知然後好惡形焉好惡無節於內知誘於外不能反躬天  
理滅矣夫物之感人無窮而人之好惡無節則是物至而人化物  
也人化物也者滅天理而窮人欲者也於是有悖逆詐僞之心有  
淫佚作亂之事是故強者脅弱衆者暴寡知者詐愚勇者苦怯疾  
病不養老幼孤獨不得其所此大亂之道也

知知上知字去聲知者之知同好惡並去

聲○物通謂事物也節外發而中節之節知誘之知謂所知也化  
物謂物至而見化於其物也悖逆徑而露詐偽曲而騷淫佚施於  
已作亂及於人弱弱愚悖猶常人耳疾病老幼孤獨極言之也朱  
子曰人生而靜感於物而動此言性情之妙人之所生而有也人  
受天地之中以生其未感也純粹之善萬理具焉所謂性也物至  
知知上知字是體下知字是用物至而知之者心之感也好之  
惡之者情也形焉者動也所以好惡而有自然之節者性也好惡  
無節於內知誘於外此性之所以失而情之所以流也苟於此覺  
其所以然而反躬以求之則其流而不可制也不能如是而惟情  
是徇則人欲熾盛而天理滅息尚何善之有哉此節正天理人  
欲之機問不容髮處惟其反躬自克一念之知覺原於義理者人心  
自固而外物不能奪矣劉氏曰道心之知覺原於義理者人心  
之知覺發於形氣者也好惡無節而於內而不知誘於外則道心微而  
不能為主入心危而物交物則引之此時不能反躬循理於是人  
欲熾天理滅矣况以無節之好惡接無窮之物感則心為物役而  
為禽獸不遠矣其為大亂之道不於是而滋哉此以見好惡不平  
人道失正而先王立制教民之所是故先王之制禮樂人為之節  
自始蓋承上章以起下文之意也

衰麻哭泣所以節喪紀也鐘鼓干戚所以和安樂也昏姻冠笄所

以別男女也射鄉食饗所以正交接也禮節民心樂和民聲政以

行之刑以防之禮樂刑政四達而不悖則王道備矣

安樂之樂音洛冠去聲別

音聲下同○射鄉謂射禮鄉飲酒禮也承上文言先王見人情之

失其平也於是制為禮樂因人情而為之節文因其處喪紀而失

之野也故節之因其處安樂而失之荒也故和之因其男女之消

也故別之因其交接之偷也故正之禮節其心使約之而得其中

樂和其聲使發之而得其應且政以率怠而使禮樂無不行刑以

防肆而使禮樂無敢廢四者通行於天下而罔有悖違則王者之

同民心而出治道者於是乎備矣此所以德教修明物我兼善好

惡平而人道正也節內歷言禮樂而末兼言刑政者四者其用雖

殊其理則一雖不備言刑政而○樂者為同禮者為異同則相親

理具矣故通言四者以申明之○樂者為同禮者為異同則相親

異則相敬樂勝則流禮勝則離合情節貌者禮樂之事也禮義立

則貴賤等矣樂文同則上下和矣好惡著則賢不肖別矣刑禁暴

爵舉賢則政均矣仁以愛之義以正之如此則民治行矣

和以統

同序以

統

辨異樂勝則流過於同也禮勝則離過於異也合情者樂和於內而不離飾貌者禮檢於外而不流此禮之義樂之文和實為用也好惡以心言刑賞以事言皆禮樂之實仁愛敬而不離義正故親而不流此仁義所以為禮樂之至極也民治由是而行則大順大化莫知其然而等和別均之迹俱泯矣應氏曰樂由中出禮自外作樂由中出故靜禮自外作故文大樂必易天禮必簡樂至則無怨禮至則不爭揖讓而治天下者禮樂之謂也暴民不作諸侯賓服兵革不試五刑不用百姓無患天子不怒如此則樂達矣合父子之親明長幼之序以敬四海之內天子如此則禮行矣易去聲○

序則身修而家齊矣又能親吾親以及人親長吾長以及人長以敬四海之內則國治而天下平矣禮行而後樂達故於樂但言天子不怒而已而於禮則言天子知此是樂達乃天子行禮之效也周子曰萬物各得其理而後和故禮先而樂後是也愚按如應說亦通而以敬天子文義稍未安劉說亦大樂與天地同和大禮與未知果否然引周子為証義則精矣

天地同節和故百物不失節故祀天祭地明則有禮樂幽則有鬼

神如此則四海之內合敬同愛矣百物不失遂其生也祀天祭地正其位也明禮樂幽鬼神者朱

子謂禮主減樂主盈鬼神亦止是屈伸之義在聖人制作處便是禮樂在造化功用處便是鬼神也四海合敬同愛極言禮樂感化之實○此章備疏禮樂二者本末始終之理此下三章皆本此以推之也○禮者殊事合敬者也樂者

異文合愛者也禮樂之情同故明王以相沿也故事與時並名與

功傳上章合敬同愛對倫類之不齊言之也此章合敬合愛對事

以能使四海之內合敬同愛者何哉蓋禮有經曲之事殊而情之

恭敬則一樂有聲律之文異而情之歡愛則一此其與天地同節

同相而能以其情之同者合天下之情也惟其然故明王以相沿  
述而各因乎損益以其時事功名而建禮樂也詩如虞夏商周  
如損政放伐功如放勳重華故鐘鼓管磬羽籥干戚樂之器也屈  
牧民取殘名如韶夏漢武

伸俯仰綴兆舒疾樂之文也簫篥俎豆制度文章禮之器也升降  
上下周綴鴈鸞禮之文也故知禮樂之情者能作識禮樂之文者

能述作者之謂聖述者之謂明明聖者述作之謂也

連舞位相連也堯者外營兆也禮樂之器禮樂之文之所宜播也知其  
原於天命之本然者即上禮樂之情之所推極也文謂事文之具  
見於人事之當然者乃此禮樂之器禮樂之文之所宜播也知其  
情則知其勢變通久而未嘗易故能作識其文則識其修廣舉陞  
而不不可更故能述若五帝三王不相沿襲皆聖者之作也若周公  
蓋取先代而用之兼聖明之作述也聖如夫子乃述而不作者  
有其德無其位故耳○輔氏曰情在於中文形乎外即吾之心而  
能作者聖之事也因外之文而能述者明之事也聖可兼明聖誠  
者也明明者也自明而誠則聖矣○此承上章  
之意而言聖人能知禮樂之情以制禮樂也

○樂者天地之和

也禮者天地之序也和故百物皆化序故羣物皆別樂由天作禮  
以地制過制則亂過作則暴明於天地然後能興禮樂也。別音電  
前二章之意而推聖人之制作本於天地之和序也劉氏曰前言  
大樂與天地同和禮與天地同節以成功之所合而言也此言  
樂者天地之和禮者天地之序以效法之所本而言也蓋聖人之  
禮樂與天地之陰陽相為流通故始也法陰陽以為禮樂終也以  
禮樂而贊陰陽天地之和陽之動而生物者也氣行而不乖故百  
物皆化天地之序陰之靜而成物者也質具而有秩故羣物皆別  
樂法乎氣之行於天者而作故動而屬陽靜而屬陰儀則質之為也過制則失其序  
質之具於地者而制故靜而屬陰儀則質之為也過制則失其序  
如陰陽而盡則物之成者復壞矣過作則失其和如陽過而亢則  
物之生者反傷矣故明於天地之和序然後能興禮樂以贊化育  
也○朱子曰樂由天作有運動底論倫無患樂之情也欣喜歡愛  
意禮以地制如由地出不可移易  
樂之官也中正無邪禮之質也莊敬恭順禮之制也若夫禮樂之  
施於金石越於聲音用於宗廟社稷事乎山川鬼神則此所與民

同也。論去聲。夫音扶。下同。其聲言。禮樂之體用。以見應於和序。

之實也。官猶職也。主也。越。發也。鬼神通言。凡鬼神也。劉氏曰。

論者。雅頌之聲。倫者。律呂之音。惟辭足論。音有倫。故極其和而無

患。害此樂之本情也。而在人。則以欣喜歡愛為非樂之主。中者。行

之無過不及。正者。立之不偏。不倚。惟立之正。行之中。故得其序而

無邪。饒此禮之本質也。而在人。則以莊敬恭肅為行禮之制。此君

子之所獨知也。若施之器用。以奉事神明者。則衆人所共知者也。

○方氏曰。金石聲音。亦統以禮而言者。凡行禮然後用樂。用樂以

成禮也。情官制禮樂之義。金石聲音之端。禮樂之義。其義難知。

其義易見也。愚按。樂見乎金石聲音。禮自見乎玉帛黼黻。而其用

事亦各不止於宗廟社稷也。王者功成作樂。治定制禮。其功大者

川鬼神不言者。皆宵衣也。

其樂備其治辯者。其禮具于戚之舞。非備樂也。然烹而祀。非達禮

也。五帝殊時。不相沿樂。三王異世。不相襲禮。樂極則變。禮變則偏。

及夫敦樂而無憂。禮備而不偏者。其唯大聖乎。

○此推言。制作之治功。以見應於和序之本也。說詳明也。極則變。荒蕪而生悲也。變則偏。漏畧而失中也。于戚之舞。樂云備矣。然非備樂者。備以功不以器也。然



京而祀禮云建矣然非建禮者建以治不以物也五帝三王則不  
沿樂而樂儀不襲禮而禮具蓋治功明盛而憂盛轉而為教儀矣  
此所以天地之和序皆應而垂戾省消也故以○天高地下萬物  
大聖贊之五帝不言禮三王不言樂蓋互文與○散殊而禮制行矣  
流而不息合同而化而樂興焉春作夏長仁也  
秋飲冬藏義也仁近於樂義近於禮樂者敦和率神而從天禮者  
別宜居鬼而從地故聖人作樂以應天制禮以配地禮樂明備天  
地官矣長去聲別音龜下同○此又申天地之序和之意也劉氏曰高下散殊者質之具天地自然之序也而聖人法之則  
帝制行矣周流同化者氣之行天地自然之和也而聖人法之則  
樂也焉春作夏長天地生物之仁也氣行而同和故近於樂秋飲  
冬藏天地成物之義也質具而異序故近於禮此言效法之所本  
也神者氣之伸而陽之靈也樂以敦厚其和達其氣之伸而行於  
天是率神而從天也思者氣之屈而陰之靈也禮以辨別其宜效  
其氣之屈而具於地是居鬼而從地也敦和率神而從天則發達  
乎陽之所生別宜居鬼而從地則安定乎陰之所成如是故聖人  
作禮樂以應天地制禮作明備足以歲成其道輔相其宜而天尊

地卑各得其職矣此天尊地卑君臣定矣卑高以陳貴賤位矣動言成功之所合也

靜有常小大殊矣方以類聚物以羣分則性命不同矣在天成象

在地成形如此則禮者天地之序也此與易繫辭畧同而記者引之以明禮也天尊地卑本乾

坤而言故禮象之而君臣定卑高以陳指六子而言故禮象之而

貴賤位陽常動而大陰常靜而小故小大異事而禮亦異情也五

方之族聚多以類萬物之器分各以羣故性命異稟而禮亦異體

也在天成象與如日月星辰之昭著在地成形秩如山川原隰之

等列應氏曰此即所謂天高地氣上齊天氣下降陰陽相摩天地

相盪鼓之以雷霆奮之以風雨動之以四時煖之以日月而百化

興焉如此則樂者天地之和也寄謂為陽○氣即陰陽也陽升也

從風故皆言奮四時行故皆言從一故皆言煖凡皆天地之氣為之也化者天地絪縕萬物化醇也應氏曰此即所謂流而不息

同而化而樂與也○劉氏曰上節申禮者天地之化不時則不

序本節申樂者天地之和凡此又言效法之所本也

化不時則不

生男女無辨則亂升天地之情也

不時自樂失其和而言無辨自禮失其序而言升之言長也成

也情猶理也不生則氣鬱而非著不息矣亂升則質蕩而非著不動矣蓋垂氣致異而天地之理然也陳氏曰不時則不生以天道明人事也無別則亂升以人事明天及夫禮樂之極乎天而蟠乎道也此反結上兩節以起下文之意

地行乎陰陽而通乎鬼神窮高極遠而測深厚樂著大始而禮居

成物著不息者天也著不動者地也一動一靜者天地之間也故

聖人曰禮樂云

夫音扶樂著之著直畧反餘如字○及至也承上無序不和而言也著註謂猶處也對居而言著大

始居成物猶易乾知大始坤作成物之意乾以健資始是著大始坤以順資生是居成物而禮樂法之也應氏曰樂由於自然之和禮出於自然之序二者充塞流行無顯不至無幽不格無遠不屆無厚不入則樂著乎乾知大始之初禮居乎坤作成物之位而昭著不息者天之所以為大而顯諸仁昭著不動者地之所以為地而藏諸用一動一靜循環無端天地之間不過此理而已故聖人昭揭以示人而名之曰禮樂也

此以上又言成功之所合也

○昔者舜作五絃之琴以歌南風

襄始制樂以賞諸侯故天子之爲樂也以賞諸侯之有德者也德  
盛而教尊五穀時熟然後賞之以樂故其治民勞者舞行綴遠  
其治民逸者其舞行綴短故觀其舞知其德聞其謠知其行也  
之行音抗未去聲○五絃之琴其絃按五音無文武絃南風卽  
南風之薰之詩見家語及尸子琴瑟樂官舜既歌南風欲與天下  
諸侯共歌之故製以此歌制爲樂而齊之也後漢書大業成之教  
應氏曰勸於治民則德盛而樂隆故舞列遠而長意於治民則德  
薄而樂殺故舞列近而短○註曰南風長養之風也孝子言父母  
之長養已如之其詞未聞我曰言自孝行故以五絃之琴歌此詩  
而教天下之孝也熊氏以爲凱風詩非矣家語南風之薰王肅所  
謂又尸子雜說不可證正經故言未聞也愚按南風之薰詩正與  
下文治民勞逸之義相足故聖人論引家語及尸子以雅鄭而疏  
反以爲不可證經實可謂嚴於傳鄭而漏經者其且如制樂非襄  
始而襄始以南風制爲樂而賞諸侯猶制琴瑟始自神農而舜乃作  
五絃以歌南風也王氏不明此直以爲襄制樂豈專爲賞諸侯此  
無理也不亦  
敢於肆議哉

大章章之也咸池備矣韶繼也夏大也殷周之樂繼

矣。大章堯樂名。言其德章明也。咸之言皆池之言。施黃帝樂名。言其德周備也。韶之言紹舜樂名。言其德紹乎堯也。夏之言大禹樂名。言其德能光大乎堯舜也。殷周之樂。謂大濩大武。言於人事極盛也。○此章言樂以昭德。而歷舉帝王之樂。以實之。亦前章功成作樂之意也。篇中自第三章以下。並言禮樂者。凡七章。而此以下五章。皆專言樂也。其間雖或兼言禮。亦側樂而言。○天地之道。寒暑不時則疾。風雨不節則飢。教者民之寒暑也。教不時則傷。世事者民之風雨也。事不節則無功。然則先王之為樂也。以法治也。善則行象德矣。寒暑者一歲之分劑。疾謂疾疹也。風雨者功事行猶將也。寒暑時風雨節。此天地自然之樂也。人君故時事節而樂在其中矣。是則樂以法天地而為治。而非苟為之也。治善則樂將象君之德矣。而民之被化於德教者。又何窮哉。此中上章德盛教尊而錫樂之意。而因明樂與德教互為終始之意也。蓋王者故時事節而樂作。樂乃以象君之德也。而樂之為教。又可以移風易俗而善其民。是又象君之德以為德也。故前後文通明其義。○輔氏曰。寒暑不時。風雨不節。天地之禮樂失矣。教不時。事不節。人之禮樂失矣。天地之道。寒暑不時而風雨節。先王之為樂以法治。

也善則象德如韶夏濩武是已若無其夫參禾爲酒非以爲禍也  
德而求之鐘鼓管絃則不可謂之善矣夫參禾爲酒非以爲禍也  
而獄訟益繁則酒之流生禍也是故先王因爲酒禮壹飲之禮有  
主百拜終日飲酒而不得醉焉此先王之所以備酒禍也故酒食  
者所以合歡也樂者所以象德也禮者所以綴淫也夫音扶○分  
言之爲禾酒  
總言之爲酒獄訟繁所謂訟師起於飲食也一獻士之養禮疏曰  
鄉飲酒禮一獻無百拜蓋極言其多也綴止也此類舉禮樂象德  
綴淫之旨以明上文是故先王有大事必有禮以哀之有大福必  
有禮以樂之哀樂之分皆以禮終樂也者聖人之所樂也而可以  
善民心其感人深其移風易俗故先王著其教焉樂之哀樂所樂  
之樂首洛分去  
終○大甲謂死喪大福謂吉慶以禮終則哀不淫樂不傷而樂在  
其中矣猶周子禮序則樂和之意也所樂即樂其所自生之樂俗  
下應氏本漢志增一易字以鼓反今從之此因言樂之  
爲教善民化俗之妙而民之所以象君德而爲德也○夫民有

血氣心知之性而無哀樂喜怒之常應感起物而動然後心術形

焉夫音扶樂音洛下同○此復申篇首人心成於物而形為聲音

之意而因言先王慎所以感之之道也血氣心知之性兼道心

人心而言朱子所謂雖聖賢不能無人心雖庸愚不能無道心是

也術猶知也民心無常而其喜怒哀樂應感之幾起於物而動然

後心術形於其音故采之可是故志微噤殺之音作而民思憂

以觀民風如下文所云也如字陳本作急殺思並去聲○急促微細噤枯殺減

也其哀心感者其聲噤以殺故可知其哀思憂愁也噤諸慢易繁

文簡節之音作而民康樂易去聲○噤寬諧和慢緩易平也繁文

其聲噤以緩故噤厲猛起奮末厲賁之音作而民剛毅賁上聲

可知其安樂也噤厲猛起奮末厲賁之音作而民剛毅賁上聲

賁直動正賁怒氣也其怒心感者其聲賁以厲故可知其剛毅賁直動正

莊誠之音作而民肅敬肅有稜隅也動堅也其敬心感賁裕肉好

順成和動之音作而民慈愛肉柔去聲好去聲○好壁孔也肉壁

地也考工記註云肉倍好曰璧好倍

因曰送肉好均曰此以喻音之圓通聲清  
也其愛心感者其聲和以柔故可知其意愛  
之音作而民淫亂詳解同秋作選○此長也成終也言一終甚長  
無分際也此乃其喜心感者其聲發  
以散之所流極故又知其淫亂也  
是故先王本之情性稽之度

數制之禮義合生氣之和道五常之行使之陽而不散陰而不密  
剛氣不怒柔氣不懣四暢交於中而發作於外皆安其位而不相  
奪也然後立之學等廣其節奏省其文采以繩德厚律大小之稱  
比終始之序以象事行使親疏貴賤長幼男女之理皆形見於樂  
故曰樂觀其深矣行攝並去聲此必二反長去聲下同見音現○  
五聲十二律上下損益之數禮義貴賤隆殺清濁高下之理生氣  
之和造化發育之妙五常之行仁義禮智信之德本上言凡音生  
於人心故聖人作樂本於應感之情性考諸聲律之度數制以隆  
殺之禮義然後用以合天地生氣之和而使其陽動不至於散陰



靜不至於寒道人心五常之行而使其剛氣不至於怒柔氣不至於慝陽剛柔四者和暢以交於中而發形於外於是百君商臣角民教事羽物皆安其位而不相奪倫也然後推其教以化民成俗正之學而若學師掌國學之政大司常學士之版之類立之等而著十二舞勺成童舞象之類順其節奏而和音曲於五聲省其文采而蕭箏先於五色此皆以純德厚而欲其成德也又律小大之稱則如宮音之至濁及羽音之至清整之各得其平此終始之序而自黃鍾之初九至仲呂之上六順之各得其次此又以象事行而欲其正行也凡此乃使一切人倫之理皆於樂而見是即樂而可觀其義之深與矣蓋古有是言而記者引以為證也繩猶檢也繩厚如中庸教厚崇禮之原象猶土敝則草木不長水煩則魚法也運行如上文宮亂君驕之類

慝不大氣衰則生物不遂世亂則禮慝而樂淫是故其聲哀而不

莊猶而不安慢易以犯節流湎以忘本廣則容姦狹則思欲威條

暢之氣滅平和之德是以君子賤之也

樂而之樂音洛易去聲感或作楚○故者力已盡而

敬壞煩者入無時而煩擾氣衰者發將竭而衰耗此三句皆以起世亂之意也無常故慝無節故淫哀而不莊樂而不安則與樂不

有氣不傷者其矣慢易以犯簡流而忘本則與敬而有節反面  
報本者異矣廣大狹小也大則使人容為姦寬小則使人思為姦  
欲感傷天地條暢之氣則不能合生氣之和滅敗人心和平之得  
則不能道五常之行是以君子賤而不用也此反言以結上文之  
意○凡姦聲感人而逆氣應之逆氣成象而淫樂興焉正聲感人  
而順氣應之順氣成象而和樂興焉倡和有應回邪曲直各歸其  
分而萬物之理各以類相勸也謂和之但去聲分去聲○此亦上  
之意而直者言之尤為切以至也感即  
之此章自行成於已而則教成於下者言之尤為切以至也感即  
倡也也即和也回謂回互義謂邪曲謂曲直謂峻直蓋言往  
復左右發橫前却之象其分即屈通之分也應氏曰聲感於微而  
氣應其速氣應於微而象成其著成象則有形可見所謂見乃謂  
之象是故君子反情以和其志比類以成其行姦聲亂色不留聰  
也明澤樂惡禮不接心術惰慢邪辟之氣不設於身體使耳目鼻口  
心知百體皆由順正以行其義行去聲辟辭同○反復也復性情  
之正而不即於邪則志無不和比

分也分善惡之類而不入於惡則行無不成不留不接不說如論語四勿之謂皆反情比類之事也如此則百體從令而義之與比矣此節乃君子修身之要法也然後發以聲音而文以琴瑟動以干戚飾以羽旄

從以蕭管奮至德之光動四氣之和以著萬物之理

光猶書光被四表之光著

至德之發見於樂者也四氣之和謂四時之和氣是故清明象天此下二節則君子合衆之概則與其明效大驗也

廣大象地終始象四時周還象風雨五色成文而不亂八風從律

而不姦百度得數而有常小大相成終始相生倡和清濁迭相爲

經故樂行而倫清耳目聰明血氣和平移風易俗天下皆寧

還旋同和

去聲○五色成文事其容八風從律言其聲百度得數言其器小大終始即前大小之稱終始之序迭相爲經禮達所謂還相爲宮

是也行施行倫論理也謂樂教施行而一人之身與天下之大倫理皆清明也○方氏曰清明者樂之氣故象天廣大者樂之體故

象地終始者樂之序故象四時周還者樂之節故象風雨說曰八風者八方之風也律十二月之律也距冬至四十五日條風至條

者生也四十五日明厥風至明厥者迎衆也四十五日清明風至  
清明者芒也四十五日景風至景者大也陽氣長也四十五日涼  
風至陰氣始行也四十五日閭闔風至閭闔者收藏也四十五日  
不周風至不周也陰氣未合化也四十五日廣莫風至廣莫者廣  
遠也陽氣始萌也應氏曰五聲配五行之色故各成文而不亂  
八音配八卦之風故各從律而不亂黃鍾爲萬事萬物之根本故  
各得數而有常不亂不姦有常言其常而不姦相成相生爲經言  
其變而不窮明其常則能極其變矣愚按此章君子反情以下言  
樂之理所謂無聲之樂也發以聲音以下言樂之數所謂比音而  
樂之也蓋合內外兼本末而修身理物之道具矣故其樂之盛至  
於如此而被之一身則耳目聰明血氣和平也施之萬物則移風  
易俗天下皆寧也至此則美在其中而樂於四支發於事業雖聖  
神之極功亦豈有加故曰樂者樂也君子樂得其道小人樂得其  
於此哉學者詳之

欲以道制欲則樂而不亂以欲忘道則惑而不樂

樂上如字下並音洛○君子以

道制欲故坦蕩小人

是故君子反情以和其志廣樂以成其教

以欲忘道故長戚戚

樂行而民鄉方可以觀德矣

樂成故以治平民也樂教既行民知

何道而君子之德可觀矣此○德者性之端也樂者德之華也金  
二節又總始終而申之也

石絲竹樂之器也詩言其志也歌咏其聲也舞動其容也三者本

於心然後樂器從之是故情深而文明氣盛而化神和順積中而

英華發外惟樂不可以偽爲也此章極言德義之妙以申上章之意

也樂者德之華也英華發外也三者志聲容也志端之初發者聲

與容無之既見者志動而詩以言其志詩成而歌以咏其聲歌咏

之不足則又不知手舞足蹈而動其容焉蓋三者皆本於心之感

物然後比之八音之器而及乎千戚羽旄也由是觀之情之感於

中者深則文之著於外者明氣之積於內者盛則化之及於物者

神凡其積中而發外者如此而謂樂可矯僞爲之乎以見心爲三

者之本而德性樂者心之動也聲者樂之象也文采節奏聲之飾

之所養者聲也也君子動其本樂其象然後治其飾是故先鼓以警衆二步以見

方再始以著往復亂以飭歸禽疾而不拔極幽而不隱獨樂其志

不厭其道僭舉其道不私其欲是故情見而義立樂終而德尊君

以好善小人以聽過故曰生民之道樂為大焉樂其之樂事者

現下同拔也佩○心之動承德之華而言不言德而言心者德性

存於心也○之象聲之飾承樂之器而言言象飾而不言器者金

石絲竹之屬形於象飾也方法也再始謂再作也往進也亂如云

關聯之亂謂終也歸者舞畢而退就位也振如振來報往之振謂

疾也騶者也承上言君子由勤本樂象而治飾器之是以樂舞將

作必先擊鼓以助眾聽必三擊足以示舞法而既作必再擊鼓以

明其進必復擊鼓以謹其退也奮迅疾速也而不過於疾雖窮極

幽微也而弗失之隱此皆所謂樂象以治飾之事也以之為已則

和而平而樂志不厭以之為人則愛而公而備道不私此則由動

本而樂象以治飾之意也然其如生故樂情之始見而義以立樂

舞之將終而德以歸君子以是改發其善其小人以是省觀其邪

區區古語以為生民之道之大者○故引以結之○陳氏曰此

條諸家皆以為論大武之樂以明伐紂之事且以再始為十一年

觀兵十三年伐紂此誤矣○此特通論聖王與之理如此耳故

曰生民之道樂莫大焉○樂記者旂也禮也者報也樂象其

民之道為莫大於戰伐哉

樂記

卷七

所自生禮反其所自始樂章德禮報情反始也

此又由樂者為同以下三章之意也

馬氏曰樂由陽來陽散其文而以土為功故上施禮由陰作陰飲其質而以反歸為事於土報也應氏曰樂有動靜之和播而出於外故曰施禮有收斂之節反而還於內故曰報靜夏養武告章德而導和朝聘祭享皆報情而反始也朱子曰樂其所自生反其所自始亦如樂由中出禮自外作樂章德知和順積中英華發公便是章著其內之德也愚按樂其所自生蓋自本達末自始訖終之意所謂樂則生矣生則惡可已是也反其所自始蓋自本溯本自終原始之意所謂反本復古不忘其所自始是也下四句皆通明自二所謂大輅者天子之車也龍旂九旒天子之旌也青黑緣句之義

者天子之寶龜也從之以牛羊之羣則所以贈諸侯也

蔡氏曰天子賜諸侯

侯以車上公及同姓侯伯皆命輅異姓侯伯象輅四衛革輅燕國木輅總謂之大輅賜諸侯以旂上公龍旂九旒侯伯七旒于男五旒賜諸侯以寶龜以青黑為之緣而牛羊之羣以從之石梁王氏曰此八句專言禮與上下文不相承當是錯簡愚按前後節文體相同理復相見不合中忽雜此數句正說得之但未知何篇所錯耳或曰此與明堂位文勢略相似謂魯得用天子之車所寶龜而

天子以牛羊從樂也者情之不可變者也禮也者理之不可易

者也樂統同禮辨異禮樂之說管乎人情矣疏曰樂出於心收曰

樂上和下同則遠邇格禮主辨別則貴賤序人情如是而已○劉氏

曰惟情不可變故和順道德而遠然則固所謂統同惟理不可易

故詳審節文而截然不紊所謂辨異此禮樂所以管攝人情也愚

按統同亦陽符之美辨異亦陰肅之美上文施報以下皆舉其用

而言此同異以上乃指其體而言管乎人情即前所謂同則相親

異則相敬而人情物理皆在其中矣此以下三章亦並言禮樂也

○窮本知變樂之情也者誠去偽禮之經也禮樂俱天地之情達

神明之德降興上下之神而凝是精微之體領父子君臣之節去

精微音星○此章又由本體而推其功效以明聖人制作之妙也

者如中庸形則著之象伯朱子謂依像也達如達天德之達降興

猶降降也周禮天神降地示出是也凝成也聚也精微之體謂物

體也如言體物不遺者然領統也窮本知變為樂之情者猶前



散殊流而不息合同而化也達神明之德所謂大禮必備大樂必  
易仁近於樂義近於禮也此二句推其理之實也降與山下之神  
所謂居鬼從地率神從天也註是精靈之體所謂和故百物皆化  
序故萬物皆別也領父子君臣之節所謂同則相親異則相敬也  
此三句指其理之用也蓋窮本知變則理無不通著誠去偽則誠  
無不體有是實理則有是實驗矣○劉氏曰窮本知變者通其自  
然之理也故曰情者誠去偽者修其當然之道也故曰經是樂陳  
氏曰天地之道明有禮樂兩有見神其位焉上下其物為精靈先  
王之作禮樂傾天地之情而使幽者闡達神明之德而使顯者敬  
神之在上而不可知也則降而下之在下而不可知也則興而上  
之夫然後陰陽交通而物體之精靈有所歸矣愚按疑精靈之體  
舊謂禮樂之作道與器未始相離也意似善而未識玩本句承降  
興上下之神句獨以而疑是三字相接則二句當如陳氏連看為  
是而字是接上之詞是字乃指上之義緣鬼神體物而不可遺故  
連言之二條乃一而一者也且下節皆言化育萬物之驗作疑是  
物體看上下乃皆融貫而舊註未之發也精靈猶言大小耳是  
故大人舉禮樂則天地將為昭焉天地所合陰陽相得照如覆育  
萬物然後草木茂盛區萌達羽翼奮角觝生鬣鬣昭蘇羽者偃伏毛

者孕鸞胎生者不殖而卵生者不殖則樂之近歸焉耳音詳與

去聲覆去聲同句同聲者格音消殞呼臭反○大人謂聖人在

天子之位也舉猶作也昭著也言聖王德位長而禮樂作焉其道

察乎天地而上下高深之理無不著也天以氣煦而日月星辰大照

以覆地地以育此物言合和之生品生日月角無形以形應暗

而忽明曰昭幾死而復生曰鸞胎生曰卵鸞不殖謂

胎不敗不殖謂卵不裂此皆與卵育之時也聖人之贊化育於

天地如此而皆於樂之通歸之北蓋由禮樂之道天地之情達神

明之德而後樂者故其功致至於萬物各得其所而上下與天地

同流也○樂者非謂黃堦大

類且然也○人乎言樂不言禮亦者文也○樂者非謂黃堦大

呂絃歌干揚也樂之末節也故童者舞之鋪庭廣陳將俎列饗豆

以升降為禮者禮之末節也故有司掌之樂師辨乎聲詩故北面

而絃宗祝辨乎宗廟之禮故後尸而祝辨乎喪禮故後主人子揚

器祝禮自也禮有夏祝商祝夏尚忠商尚質喪以忠質為主故名

宗廟之禮敬在尸喪禮哀在主人所謂德行也○周氏曰有司童

子之所知者禮樂之末而君子之所與民同也如  
其本則豈非君子之所獨得而與百王同者乎 是故德成而上

藝成而下行成而先事成而後是故先王有上有下有先有後然

後可以有制於天下也上下自北面而言先後自後尸後主人而

於藝有司宗祝商祝習於事則其器也先王制禮樂道器兼設而

其上下先後之序則如此此承上章述神明之德以中各章凡言

德器者○魏文侯問於子夏曰吾端冕而聽古樂則唯恐卧聽鄭

衛之音則不知倦敢問古樂之如彼何也新樂之如此何也古樂

頌之音也賦子夏對曰今夫古樂進旅退旅和正以廣絃匏笙簧

會乎拊鼓始奏以文復亂以武治亂以相訛疾以雅君子於是誨

於是道古修身及家平均天下此古樂之發也夫音步下同相去

則後進旅退旅衆不雜也和正以廣聲無姦也聲道與同○旅衆

也弦匏笙簧樂言衆器之屬拊之言擊謂擊鼓也一云拊樂器名

以草爲之實以棟擊之以輔樂即下文所謂相也又卽謂鼓也武  
謂鏡也亂終也訊猶治也雅謂祝也作樂必會合樂器守待拊鼓  
而作而樂之始奏則擊鼓舞之將終則擊鏡樂之亂則治以相舞  
之疾則治以相此則詳其聲容之節也道猶引也若卽古之欲明  
明德於天下之古君子於是語其樂卽於是道之於古而古聖人  
修齊平均之德化不難矣蓋曰節古樂而廢發之者深也方  
氏曰鼓聲爲陽故謂之武今夫新樂進俯退俯發聲以濫溺而不止  
及優侏僂優雜子女不知父子樂終不可以誥不可以道古此新  
樂之發也舊儒優與侏同本或作優○進俯退俯謂俯僂曲折  
行而不整也蓋雜以濫溺所謂濫溺之音溺而不止卽  
所謂秋成之氣優非優侏僂短小之人也優雜於男婦之中更不  
復知尊卑上下矣是其作樂雖終無可誥者其可與道古乎如此  
而其所以感發亦可知矣○優者謂與後列謂知無從狀也今君之  
本或作優其在傳少相和長相優之優與蓋神敏之意也  
所問者樂也所好者音也夫樂者與音相近而不同○音樂之  
與篇首名義文侯曰故問何如子夏對曰夫古者天地順而四時

微別詳下文

當民有德而五穀昌疾疢不作而無妖祥此之謂大當然後聖人  
作為父子君臣以為紀綱紀綱既正天下大定天下大定然後正  
六律和五聲絃歌詩頌此之謂德音德音之謂樂詩云其德音  
其德克明克明克類克長克君王此大邦克順克俾傳于文王其  
德靡悔既受帝祉施于孫子此之謂也今君之所好者其溺音乎  
當去聲也音也音猶長上聲王去聲傳詩作此去聲施音異○  
音謂不夫其片也詳如書言毫有祥之祥亦妖也夫當謂大化均  
謂也紀綱三綱六紀之屬君為臣綱父為子綱夫為妻綱為三綱  
諸父有善者易有義宗族有教昆弟有親師長有尊朋友有舊為  
六紀也凡此先序之以禮乃和之以樂周子謂古者聖人制禮法  
修教化三綱正九疇教百姓太和萬物咸若乃作樂以宣八風之  
氣以平天下之情意蓋本此詩大雅皇矣之篇莫靜也德音道德  
之音也比上謂親下謂至也詩義詳見朱傳子夏蓋借以証德音  
之說溺音淫文侯曰敢問溺音何從出也子夏對曰鄭音好淫淫  
溺之音也

志宋音燕女溺志衛音趨數煩志齊音放辟喬志此四者皆淫於

色而害於德是以祭祀弗用也趨數注讀作促速放去聲辟辭同

燕女者燕安不振之象趨數者迫促速疾放辟者始於邪而四者

皆以志言淫溺較深煩騷較淺然其淫色害德而不可用於正則

均也言祭祀詩云肅雝和鳴先祖是聽大肅肅敬也肅雝和也夫

敬以和何事不行詩周頌有瞽之篇肅始作樂而合于祖之詩也

所用者為人君者謹其所好惡而已矣君好之則臣爲之上行之

則民從之詩云誘民孔易此之謂也然後聖人作爲鞀鼓柷敔

箏此六者德音之音也然後鐘磬竽瑟以和之干戚旌狄以舞之

此所以祭先王之廟也所以獻酬醕酢也所以宮序賓賔各得其

宜也所以示後世有尊卑長幼之序也好惡易前去聲誘詩作厲

虎音池伏翟同長上聲○謹好惡所以慎其德也即上章和志成  
行之事而上文之大當本諸此矣詩大雅板之篇桃如鼓而小持  
其柄而握之旁耳自擊柱枹即周頌有瞽之祝歌壇六孔大如鳩  
子燒土爲之虎八孔大者長尺四寸小者尺二寸截竹爲之六者  
皆皆實素與德相稱故稱德音下橫成斧也武舞所執旄尾牛尾  
翟雉羽也又舞所執旄用素素爲本然後用鐘磬等瑟華美之音  
以諧和之又用十成旄翟華美之象以舞韶之禮此則德音之備也  
韻說見前篇有事於宗廟則有獻酬酢之禮而肯賤尊卑長幼  
之序自各宜於當時而垂之鐘磬鏜鏜以立號號以立橫橫以立  
後世蓋極言德音之用大也鐘磬鏜鏜以立號號以立橫橫以立  
武君子聽鐘磬則思武臣者盛氣充滿之狀也令嚴氣壯立武之  
道故聽之石磬磬以立辨辨以攷死君子聽磬聲則思死封疆  
之臣營註謂爲磬其聲磬然有辨別也死生之際非辨義而介  
如石者不能決而封疆之臣守死善道其正也故聽而思之  
絲聲哀哀以立廉廉以立志君子聽琴瑟之聲則思志義之臣人  
雖放閒哀聲必欲以肅絳聲哀切有廉刺裁割之竹聲溫溫以立  
義人之有廉隅者如之故聽而思志義之臣也竹聲溫溫以立

何以聚眾君子聽箏笙簫管之聲則思畜聚之臣畜音旭○蓋注謂有樂聚

之義故可以立會畜聚之臣所謂節用愛人容民畜聚者非謂聚

之臣也劉氏曰竹聲汎濫汎則廣及於眾而眾必歸之故聽而

思其鼓聲之聲謂以立動動以進眾君子聽鼓聲之聲則思將

帥之臣將帥並去聲○謂節也其聲謹密使人心意動作故能進

在將而已故君子之聽音非聽其鏗鏘而已也彼亦有所合之也

復聽而思之合之謂與合於心也此應氏以教勸望之意○應氏曰八音與其

五而不言匏土木者匏聲短而上聲重濁木聲樸質故也然匏亦

在笙笙之中矣應氏曰滯重濁樸質之說於義未足○賓牟

既知匏在笙笙中則短滯之說固非矣此蓋約舉之詞與○賓牟

賁侍坐於孔子孔子與之言及樂曰大武之備戒之已久何也對

曰病不得其眾也此章見家語辨樂篇文義多同姑引數條小異

者於後○利牟姓賁名病憂也孔子問大武之

樂擊鼓備戒已久乃始作舞何也賁對言武王伐紂憂

不得士心故先鼓戒士眾久而後出今舞者盡象此也咏歎之淫

也



液之何也對曰恐不逮事也

味歟長聲而歎也泥液連延不絕之貌逮及也孔子又問備戒之餘何以

歌音長歎不絕言武王恐四方諸侯或心未必皆順而不及征

伐之大事也易言湯武革命應乎天而順乎人史稱不期而會者

八百國然其端端焉長應即順而不放發揚蹈厲之已蚤何也對

遽以為得猶然也此其為聖人之心與

發揚蹈厲之已蚤何也對

曰及時事也

又問初舞時即手足發揚蹈厲而猛厲何其太急言言象武王及時伐紂急於救民故不可緩也然下文

孔子言是太公之志

武坐致右憲左何也對曰非武坐也

憲家語作軒○

則此對為小異也

武坐致右憲左何也對曰非武坐也

坐跪也軒仰起也又問舞武樂之人何故忽跪以右足主地左足

仰之而賈以舞法無坐故對言非武舞之人生也蓋亦謂失其傳

與然下文孔子言武亂聲淫及商何也對曰非武音也

子曰若非

皆坐則此對又非也

武音則何音也對曰有司失其傳也若非有司失其傳則武王之

志荒矣子曰唯丘之間諸喪以亦若吾子之言

句是也

淫貪欲之意也武樂

之聲而貪及商是武王貪欲時之天下矣故言非其音而孔子

急問其何音也賈又言典樂之官失其相傳之說若非失傳而謂

武王實有心於商則其志為荒悖矣竟應天順人之心故孔

子於是然其言而謂其與義必相似也義姓弘名周大夫

賈起免席而請曰夫武之備戒之已久則既聞命矣敢問遲之遲

而又久何也子曰居吾語女夫樂者象成者也總干而山立武王

之事也發揚蹈厲大公之志也武雉皆坐周召之治也

又久立於綴何也○免席避席也問命謂問命而對也未出舞時

而備戒已久可謂遲矣而又久立於綴位之間遲遲而又久也亂

卒也孔子答賈言樂以象其成功將舞時總持干盾如山疑立者

此象武王肅穆臨師之事而所以發揚蹈厲而奮厲者則象太公

之志以武而勅其武舞將終而皆坐者則又象周公且夫武始

召公之治以文而止武也此先言武舞之大綱也

而北出再成而滅商三成而南四成而南國是疆五成而分周公

左召公右六成復綴以崇天子

○家語作始成而北出三成而南反○成如書者謂九成之成樂之一

終也繼行也樂解也武之舞也初自北第一位而南至第二位是

新三位至第四位極於南而反向乎北象克商而南爲三成又從南  
南則北向第一位至第二位象克商後疆理南國爲四成又從第  
二位至第三位乃分爲左右象周公居左召公居右爲五成又從  
第三位而復於北頤初位之行象武王功成歸鎬四海皆崇爲天  
子爲六成此通敘武舞象成之次也周都鎬在西紂都初我往東  
故舞位因以北象周都以南象紂都而至是乃復從以崇天子於  
此見武王本未嘗一日敗失人臣之分有干天位之  
意而其位乎人蓋非得已也位向義詳夏官備誤  
夾振之而騁  
伐盛威於中國也分夾而進事登濟也久立於綴以待諸侯之至

也陳註訓如泰誓四伐五伐之伐分部分也濟猶成也言再成時  
三人夾舞者振鐸以爲節而舞者以文矛四次擊刺此象武王之  
兵盛威於中國也其時舞者各有部分而振鐸者夾之而進此象  
其事之蚤成也若其始久立於行綴而不進舞則象武王待諸侯  
之集而不輟進也一謂四伐爲四方之征伐蓋以武既勝殷而滅  
國者五十也按此於盛威於中國義因得之即所謂分夾而進亦  
當爲進兵四方之解但久立於綴以待諸侯之至乃謂將舞時之  
立綴遲久象武王之待諸侯以伐商耳若隔伐商而言且女獨未  
征伐四方則於上下文次爲不屬不如陳註爲安也

聞牧野之語乎。武王克殷，反商未及下車，而封黃帝之後於酈，封  
帝堯之後於祝，封帝舜之後於陳，下車而封夏后氏之後於杞，投  
殷之後於宋，封王子比干之墓，釋箕子之囚，使之行商容而復其  
位，庶民弛政，庶士倍祿。女音汝反。註讀爲及。今按家語作反商之  
政。註義非。是使之行商容。家語作使人行  
商容之。傳行上聲。何梗切。○反商之政。卽武成篇所謂反商政。  
由舊也。投者。舉而徙置之也。投宋在成王時。此歷敘黃帝堯舜禹  
湯之次。而因言之耳。其稱未及下車而封。與下車而封。亦甚言先  
後之詞。讀者不以難害意可也。比干箕子。商客皆賢人。行者。隨而  
省之也。時商容已亡。武王既式其閭。乃使人還求其舊之所處。而  
復還其位也。弛政之政。卽王制不從政之政。謂寬其稅役也。倍增  
也。濟河而西。馬散之華山之陽。而弗復乘。牛散之桃林之野。而弗  
復服。車甲衅而藏之府庫。而弗復用。倒載干戈。包之以虎皮。將帥  
之士。使爲諸侯。名之曰建綏。然後天下知武王之不復用兵也。

去華

射者同建註作健字之誤也。擊音高。○射者血塗之也。凡戰兵  
出則刃向前入則刃向後。今還歸京故創載也。健領也。乘箱也。  
兵皆健乘藏之。示不用也。封將帥為諸侯賞其功也。舊注名之  
曰建意當在虎皮之下。愚以義味之。原文自合。蓋建結之體也。

散軍而郊射。左射狸首。右射騶虞。而賁草之射。息也。禋冕擗笏而  
虎賁之士說劔也。祀乎明堂而民知孝。朝覲然後諸侯知所以臣  
耕籍然後諸侯知所以敬。五者天下之大教也。音說。○散放也。左

謂東郊之學。右謂西郊之學。賁草也。軍射也。主賁草。今散放軍伍  
而習射於郊。學東學欲狸首之詩。以為射節。西學欲騶虞之詩。以  
為射節。則軍射止息而不為矣。視冕五冕也。詳見竹書問。擗說  
解也。敬敬神也。五者舊謂禮射禮服祭祀朝覲耕籍。五也。然按  
祭義所列五教。無節首散軍郊射與神冕指笏二條。而祀明堂之  
下有食老更祀先賢二條。與此不同者。蓋自武成之始而言故言  
息射脫劍自化成之後而言故言養老祀賢。各有當爾也。且本  
節之下。則其實亦豈有異乎。家語本節更食二老五更。即附見本  
增郊祀后稷一條。而稱六教與此又不同。食二老五更於大學。夫

子祖而割牲執醬而饋執爵而酌冕而總干所以教諸侯之弟也

若此則周道四達禮樂交通則夫武之遲久不亦宜乎更平聲大音恭弟去

教夫音扶○魯老教弟說見上文割牲至總干並詳祭義此以上自其戰而敵以及其致太平皆明其不汲汲於成功之意以見象武之所以遲久也○此上二章皆專自樂而言上章子夏之告君者自音之所合而言其美善之聲也此章孔子之告賈者自舞之所象而言其美善之容也○君子曰禮樂不可斯須去身致樂以治心則易直

子諒之心油然而生矣易直子諒之心生則樂樂則安安則久久則

天天則神天則不言而信神則不怒而威致樂以治心者也致禮

以治躬則莊敬莊敬則嚴威心中斯須不知不樂而鄙詐之心入

之矣外貌斯須不莊不敬而易慢之心入之矣易並去聲子諒作慈良則樂樂則不

樂之樂音洛○目眩離為斯合為須謂一體一合之頃也致者推而極之也樂由中出故以治心言禮自外作故以治躬言蓋知樂

莊敬心與身皆不可畧有閒斷也。○朱子曰：易直子諫，從來說得無理會，却因見諫詩外傳子諫作慈，夏字則無疑矣。又曰：心要平易，無艱深險阻，所以說不和不樂而詐之心入之矣，不在不敬而易慢之心入之矣，入之一字正見得外誘使然，非中心實有此惡，雖非本有，然既為所誘而得為主於內，非心而何？愚按：自易直子諫之心生至安則久，但於中漸次分得如此，此數句只當得和字對嚴成二字看。下文自分明。故樂也者，動於內者也；禮也者，動於外者也。樂極和，禮極順，內和而外順，則民瞻其顏色而弗與爭也。望其容貌而民不生，易慢為故，德輝動於內而民莫不承聽，理發諸外而民莫不承順，故曰：致禮樂之道，舉而措之天下，無難矣。動於內，自中出也；動於外，自人也。極和極順，則無斯須不和不順，所以感人動物，其效如此。德輝動於內，乃美善發外之符理，發諸外乃動容樂也者，動於內者也；禮也者，動於外者也。故禮主於敬，中禮之責。其減樂主其盈，禮減而進以進為文，樂盈而反以反為文，禮減而

不進則銷樂盈而不反則放故禮有報而樂有反禮得其報則樂

樂得其反則安禮之報樂之反其義一也

則樂之樂音格○馬氏以用言之禮進樂反則於外而主戒故作之而以進為文動於內而主盈故抑之而以反為文故七介以相見不然則已怨三辭三事而至不然則已倦一獻之禮而賓主百拜日莫人倦而齊莊正齊此皆作而進之也進旅退旅以示其和唯匏笙簧會守拊鼓以平其旋治亂則以和記疾而以雅作之以概止之以改此皆抑而反之也不進則戒戒於息不反則盈至於流先王知其易偏故有報有反禮有報者資於樂樂有反者資於禮也劉氏曰禮儀動於外必卑以自牧故主減樂德抑於中必積而後形故主盈蓋樂由陽水禮自陰作故也而其用則禮貴行以和而以進為文樂貴抑以節而以反為文若退而不進則威儀銷沮而禮勝則繼而不反則意氣放肆樂勝則流故禮必和而後威儀之報樂必節而後安此禮以節則從容歡愛而樂此樂以和禮也節則後柔平中而安此禮以節樂也禮樂相須而一歸於無過不及故樂一也○此章又兼禮樂言之首二節言禮樂各致之道而末一節言禮樂交濟之美也

○夫樂者樂也人情之所不能免也樂必發於聲音形於動靜人



之道也。聲音動靜，性術之變，盡於此矣。故人不耐無樂，樂不耐無形，形而不為道，不耐無亂。先王恥其亂，故制雅頌之聲，以道之，使其聲足樂而不流，使其文足論而不息，使其曲直繁瘠廉肉節，足以感動人之善心而已矣。不使放心邪氣得接焉。是先王立樂

一

首尾樂如字餘並音洛耐音能肉柔去聲○曲柔婉也剛決也繁眾盛也瘠減殺也廉清冷肉豐厚也節者

以制用而有節故雖樂而不至於流理以明義而無窮故可論而不至於息也劉氏曰人情有所樂而發於咏歌咏歌之不足而不知手舞足蹈則性情之變盡於此矣而不道於禮義則必流於荒亂先王制為雅頌之聲詩以道而德之者凡皆正其聲以感人心也愚按詩樂之要不外聲與文二者而已論語朱傳云夫子稱聞雖樂而不淫哀而不傷欲學者玩其辭審其音是故樂在宗廟之中君臣上下同聽之則莫不和敬在族長鄉里之中長幼同聽之

則莫不和順在閨門之內父子兄弟同聽之則莫不和親故樂者  
審一以定和比物以飾節節奏合以成文所以合和父子君臣附

親萬民也是先王立樂之方也審一謂審守其一也將之而敬順

一者也和者本於心而一者也故審守其一以定和也此物即所

謂比有而樂之也應氏曰一者心也心一而所應者不一惟守一

以擬定其和雖比以顯飾其節及其合以成文則可以合和至親

至嚴之倫而附親其疏且衆者為蓋樂發於心而感於人無二理

也又言立樂之方者上文由詩正以推樂正此復由故聽其雅頌

之和以驗人和上文以正性術而此以盡倫理也

之聲志意得廣焉執其干戚習其俯仰詘伸容貌得莊嚴行其綴

兆要其節奏行則得正焉進退得齊焉故樂者天地之命中和之

紀人情之所不能免也

要平聲行則之行音杭也天地之教命中和之說紀所以防範人心者皆在於是

言詩樂之屬所關夫樂者先王之所以飾喜也軍旅鉞鉞者先王

者大以總結之也

之所以節怒也故先王之喜怒皆得其情焉喜則天下和之怒則

暴亂者畏之先王之道禮樂可謂盛矣樂者聲文而言也情類也

而意非私喜怒非私怒也則其道之盛又豈偶然而已哉此章言詩集中和之道以申首章變成方謂之音之意也○于

賴見師乙而問焉曰賜聞聲歌各有宜也如賜者宜何歌也師乙

曰乙敗工也何足以問所宜請誦其所聞而君子自執焉寬而靜

柔而正者宜歌頌廣大而靜疏達而信者宜歌大雅恭儉而好禮

者宜歌小雅正直而靜廉而謙者宜歌風肆直而慈愛者宜歌商

濫良而能斷者宜歌齊夫歌者直已而陳德也動已而天地應焉

四時和焉星辰理焉萬物育焉此亦上章之意但上章說言制詩樂之道此章則析言歌詩樂之宜

也子儀孔子弟子端木賜也師樂師乙名也頌謂周頌風謂周南召南以下又推之可見直如直養之直言山正直已身而歌詩以

謂之德也。動者流行之意。德豫結於歌之先而加養於歌之內。則  
其性流行而有天地以下四者之驗矣。○古吳何氏曰：觀柔廣大  
說達之類，是德之主其靜正信之類，所以齊之也。愚按下文疏以  
商人爲宋人，蓋以宋正考父得商頌十二篇而識之也。則此歌商  
乃謂商頌而歌頌乃周頌與？但歌風雅頌皆以相因爲義，而方氏  
謂商音剛決，故性之柔緩者宜歌之。齊音柔緩，故性之剛決者宜  
歌之。是乃以相制爲義，殆非直已陳德之義也。今以何氏之說推  
之，肆直是德之剛中者而慈愛乃以濟之，故歌商音之柔緩溫良  
是德之柔中者而能斷乃以濟之，故歌齊音之柔緩是皆相因也。  
歌必相因而不取相制者，蓋其德已調劑得中，將以歌通養之而  
已。朱下節保故商者五帝之遺音也，商人識之，故謂之商。齊者三  
代之遺聲也，齊人識之，故謂之齊。明乎商之音者，臨事而屢斷，明  
平齊之音者，見利而讓。臨事而屢斷，勇也；見利而讓，義也。有勇有  
義，非歌孰能保此？識音志：商人疏謂宋人也，保猶安也。言安於  
勇義而不捨也。○古吳何氏曰：獨表二國者，恐  
人疑非正聲故也。其聲出於先王之舊，如此則豈若今之燕女溺  
志與微辭騷志者哉？愚按何氏說頗有發明，但齊音見利而讓，道

扣盤曉今考其十一篇無其誠惟羅篇田獵指讓與甫田篇  
成欲速好大意器近之然夫儒固不以見利而讓許之矣若此外  
有其詩夫子恐亦不則也豈師已之  
論詩未為定義抑或漢儒實為之與  
故歌者上如抗下如隊曲如  
折止如槩木倨中矩句中鉤然平端如貫珠故歌之為言也長  
言之也說之故言之言之不足故長言之長言之不足故嗟歎之  
嗟歎之不足故不知手之舞之足之蹈之也子貢問樂  
陳陸同止  
去聲說悅  
何○抗舉聲落槩枯也俯直也句亦曲也多曲曰曲少曲曰句說  
見考工記治氏舊注倨為微曲句為其曲者非端緒也長承也所  
謂歌承言也此言其首節之善與其名義之大也子貢問樂例見  
前篇故世子及周公踐阼○朱子曰看樂記大段形容得樂之氣  
象當時許多名物度數人人曉得不須說出故止說樂之理如此  
其妙今許多度數都沒了只有許多樂之意思是好只是沒頓放  
耳處

雜記上第二十

名篇者篇中所記煩雜也以篇帙多故分  
為上下嚴陵方氏曰此篇雖以記喪為至

下篇又兼言三患五恥觀端取盜之類其事不一故以雜  
名篇猶易有序卦說卦而有雜卦莊子有內外篇而有雜  
篇也

諸侯行而死於館則其復如於其國如於道則升其乘車之左轂

以其綏復

綏舊讀為綏如追反○行謂以朝會之屬出行也綏謂

不以在外異也升左轂原其升東萊之國綏者旌旗之旄旒之

亦乘持衣也凡諸侯之復人收說命數今較上狹蓋容一人與其

轉有祿緇布裳帷素錦以為屋而行至於廟門不毀牆遂入適所

殯唯轉為說於廟門外轉音倩以轉同說脫同○柩車上復曰轉

之四旁其下用緇色布為裳帷以闔棺又用素錦為小帷以覆於

轉上乃行也廟門謂廟宮門也緇即裳帷狀如牆也○按喪大記謂緇

緇既入則不必更象宮室故也緇於門外也○按喪大記謂緇三列

禮此記之轉即喪大記之柩車其餘邊之緇即所謂緇流緇三列

也以前記文參觀之可見但喪大記之言君殯之禮此言君死於

也以前記文參觀之可見但喪大記之言君殯之禮此言君死於

外之禮其為制之同異則不可考以義推之恐名異而制則同互言之也

大夫士死於道則升其乘車之左轂以其綏復如於館死則其復如於家

大夫士亦謂聘會之屬出行也

以布為輶而行至於家而說輶載以輶車入自門至於阼階下而說車舉自阼階升適所殯

輶謂為輶音適也至家而脫輶不待廟門外喪古者天子下達廟皆在大門外之左此謂至大門而即脫輶也有輶曰輶

無輶曰輶蓋合大木如輪以為運轉也門謂廟門也王侯載尸柩以輶大夫士以輶今至家而脫輶故但載以輶車而人輿舉謂手

舉也脫車於阼階之下舉升適殯其與載於輶遂適所殯者亦異矣

方氏曰大夫布為輶則諸侯用帛也胡氏曰諸侯及士皆有屋而大夫無文則索錦同諸侯矣

士輶蓋席以為屋蒲席以為裳帷

此章言諸侯以下客死之禮

○凡訃於其君曰君之臣某死父母妻長子曰君之臣某之某死

訃音付○訃若某謂父母若妻若子也君訃於他國之君曰寡君不祿敢告於執

事夫人曰寡小君不祿太子之喪曰寡君之適子某死適嫡同○君與夫人

計不稱薨而稱不祿謙也稱告於執事者不敢直指其君也○山陰陸氏曰諸侯同盟則赴米同盟則不赴也謙不言薨然而不言死若卒者不死其君不卒其君也曲禮云壽考曰卒短折曰不祿君雖壽考猶以不祿是臣子之意也大夫計於同

國適者曰某不祿計於士亦曰某不祿計於他國之君曰君之外

臣寡大夫某死計於適者曰吾子之外私寡大夫某不祿使某實

計於士亦曰吾子之外私寡大夫某不祿使某實適敵同實註作至周秦葬之誤

也一云如字○適謂位相敬私謂私有好使某之某使者名士計也實謂為至者言為計而至此也一云如字使告以實也士計

於同國大夫曰某死計於士亦曰某死計於他國之君曰君之外

臣某死計於大夫曰吾子之外私某死計於士亦曰吾子之外私

某死士降於大夫故其辭又質也○此章言計之禮也○大夫次於公館以終喪士練而



歸士次於公館

此章言大夫士居君喪之禮也公館者公宮之舍大夫士喪次所在也大夫貴且近至終喪乃還家

士卑至小祥得還矣邑宰之士卑且遠蓋又第未葬時次之耳故但言次於公館而不言終喪與縣喪大記公之喪士卒哭而歸是也舊說以士練而歸為邑宰之士士次於公館為朝士其失有五喪火記言士卒哭而歸乃指邑宰之士不得料紛舛亂一失也士為邑宰不應終歲離治失職二失也棄境內之邑宰士皆常次於公館公宮亦不容三失也未言朝士而先言邑宰之士非倫四失也且不言言朝之大夫士終喪而歸而於邑宰之士練而歸之後更言之又祇言士次於公館而已於理益支五失也夫朝之大夫士雖同新喪而禮亦有等如喪大記于大夫公子眾士皆三日不食而其後子大夫公子食粥士則既食如儀禮喪服篇公家之公卿大夫與大夫家之室老士皆為貴臣其餘公家之士與大夫家之眾臣皆為眾臣貴臣為其君新喪而較帶菅履居其廬既奠食粥既練乃居外綏謂之墜室故終喪而歸眾臣雖亦新喪而布帛繩履居墜室既虞即蔬食則既練而歸矣如此則大夫居廬終喪士居墜室至練日率之士居墜室至卒矣其禮文極明而舊說乃失其義豈小病哉

大夫居廬士居墜室

墜音惡○廬在中門外東壁倚木為之墜室○大夫為其父母兄在中門外屋下墜室為之二者即所謂次也

弟之未為大夫者之喪服如士服士為其父母兄弟之為大夫

之喪服如士服

為其之為去贅下並同。此章言大夫士居父母

末世之制而記之與方氏曰生者貴而死者賤則服從死者嫌若  
臨之故也。士者賤而死者貴則服從生者嫌若臨之故也。鄭註  
曰大夫喪禮適與士異者今未備聞也。春秋傳齊晏桓子卒晏嬰  
純喪而無至謂杖帶履為常居倚廬廢苦枕蓐其家老曰非大夫  
之禮也。則曰惟鄭為大夫言已非大夫故為父服上服也。然則士  
與大夫異者有餘矣。新法草矣。士服庶幾斬其縗在齊斬之間而  
已。惟大夫以上乃盡制也。愚按春秋傳晏子客家老之言則知當  
時士與大夫為其親之異服矣。若註所釋大夫以上乃盡制而士  
不盡制則大誤也。夫禮制盡之者為是而不盡者為非。家語載此  
條孔子美晏子不以己之是駭人之非而邊詞以避害也。是晏子  
恐明已從禮盡制之是顯人從俗不盡制之非故邊詞以避其咎  
耳。若當時之大夫盡古制而晏子不盡制何駭人干咎之有。且晏  
子本大夫得盡不盡而又為之詞是直沒人是以掩己非而與於  
不仁之甚者也。孔子何為美之哉。考儀禮喪服篇士庶人之喪數  
皆如其倫制王侯卿大夫於旁期有絕降而三年之喪自天子下  
逮月數服制並同。惟晏子於其生母乃有厭降耳。後世禮制盡廢

蓋三年之喪亦不行如孟子時滕文公欲行三年之喪諸訪於孟  
子且其父兄百官曰吾宗國魯先君莫之行吾先君亦莫之行也  
則春秋之前禮已久廢而格風至以庶見素冠素練為率則其  
賢者之制亦可見矣其所以士服大夫服之異制者蓋士以下  
猶得如儀禮喪服之倫制而大夫以上或因旁期絕降之例而沒  
喪遠及於尊親其始止變於服制而後且易其月數此所以沿及  
於漢以下而遂成墨衣冠視朝以日易月之制也如晏子者蓋  
以賢大夫躬盡禮制而又恐暴揚人短以干咎害也故言諸侯  
之大夫僅得比王朝之士而為微詞以答之何至以其盡制為不  
盡制如註說之相反哉然則喪服篇三年之斬制為斬衰苴經帶  
杖及終皆杖塊之屬今晏子盡制而斬衰為斬衰斬杖塊為杖草  
者何也曰此異名同實之文也斬衰三升服極微微衰斬杖塊為杖草  
耳杖草與杖塊雖異左註謂杖塊非儀禮經文固疑其杖草以草  
而王儉又謂夏杖塊冬杖草則晏子之喪父為冬又當杖草矣而  
乃以此謂晏子之服為不盡制則自春秋以來凡諸侯與其卿大  
夫之屬皆莫行三年之喪者而反謂之盡制又何以說乎或曰如  
子之說晏子既如士以下之盡制而不如當時大夫以上之違制  
則註引以証本章之文者何也曰此註誤解本章而因以誤解左  
氏也本章所言乃末世之制非儀禮經傳所有其所云大夫服者  
乃又其違禮立制之一端緣大夫以上不能遵行古禮而因別制

大夫之服故繁文縟飾以矜其體命者則有餘而制鉅痛深以  
發其哀敬者則不足而遂覺與士以下之守舊制者異也註初不  
帶此章之本末而乃以髮子之靈古制如士者誤解為如士之不  
帶古制而引以証此章則是本章與左氏之義得亂也學者幸詳  
之大夫之適子服大夫之服大夫之庶子為大夫則為其父母服

大夫服其位與未為大夫者齒適嫡同。此因上文而推言之也。以上文上服二條而言。惟父子皆

為大夫者服大夫之服矣而亦有不同者若大夫之適子雖未為  
大夫亦得服大夫之服此從隆也其大夫之庶子為大夫則其為  
父母服大夫服但與諸子之未為大夫者位次相賤耳此從殺也  
○疏曰爵雖為大夫年雖長於適子猶在適子下使適子為主也  
方氏曰適子雖為士而不嫌服大夫之服者適故也庶子為大夫  
雖服大夫之服而猶齒於未為大夫者其次序不以貴賤廢也○  
石渠王氏曰父母之喪自天子達周人重親疏於尊親以異其服  
非也則公劉初葬其葬未至此陳註曰孟子言三年之喪齊疏  
二服大夫適子遠於庶人而此記若此○士之子為大夫則其父母弗

能事也使其子主之此章言子為大夫而其父為正主後之禮也。主謂主其喪也。鄭註謂大夫之適子得用大

夫之禮而士不得用也。○石梁王氏曰：此條最無義理，竟其說則子爵尚父母，遂不得而子，真齊東野人語也。愚按：王說固正，然以鄭註推之，則所謂適子，得用大夫之禮者，亦謂大夫以上來而子，其子得以大夫之禮接之，故使其子主之也。王氏父不得而子之義，豈其無子，則為之置後，為去聲。○謂猶立也，立後即與大然與無子，則為之置後，夫適子同而得行大夫之禮也。○大夫

卜宅與葬曰有司麻衣布裳布帶，因喪履緇布冠不鞋。占者皮弁

此以下歷言大夫之喪諸執事之禮也。宅，葬地也。有司謂治卜者。因，仍也。鞋，與絛同，蓋用白布為深衣，以三升帛布為冑，紒綴於其上，其帶之布亦如之。而其屨則因喪之緇履，冠則以古緇布冠，無鞋也。占，謂審卜象者。皮弁，天子視朝諸侯大夫士視朝之服，有司為卜，故其服半吉占者。如，欲則。史練冠長衣以筮，占者朝服。朝音。於有司，故服彌吉也。史，治筮者。練冠，緇冠也。長衣，制同深衣，以素為純，練古謂審卦者。朝服，稍卑於皮弁服，以筮稍輕於卜也。大夫之喪既薦馬薦馬者，哭踊出乃包奠而讀書。薦，進也。棺土喪禮極至，祖則祖奠又薦馬，明日設遣奠，又薦馬，遣奠時薦馬則車將行，先故主人哭踊而薦馬者，俟其成踊乃出，大夫之禮無者，包奠謂取遣



禭衣其餘如士

禭周禮作展○此言大夫士之妻之復衣也

大夫之適妻曰內子

喪衣亦始命為內子及凡所

復賜之衣也

下大夫謂下大夫之妻也餘如士者謂士妻用祿衣

而內子與下大夫之妻亦兼用之

蓋內子衣自禭衣而下大夫

妻衣自禭衣復西上

西上謂其序也復之人數如其命數若上公

而下故也

九命則復者九人侯伯七命則復者七人而

其序立之矣則北面

○大夫不掄絞屬於池下

掄擇同絞者

大夫

西上而以右為尊也

○大夫不掄絞屬於池下

掄擇同絞者

大夫

喪車之飾也

綏謂綏也

綏謂綏也

綏謂綏也

綏謂綏也

綏謂綏也

綏謂綏也

綏謂綏也

綏謂綏也

綏謂綏也

綏謂綏也

綏謂綏也

○大夫附於士士不附於大夫附於大夫昆弟無昆弟則從其昭

穆雖王父母在亦然

為大夫而死可附祭於祠之為士者若祖為

大夫孫為士而死不可附祭於祠之為大夫者

惟得附祭於祖之

兄弟為士者耳若又無為士之兄弟則從昭穆之序而附於高祖

之為士者可也然則高祖若亦大夫則又附於高祖昆弟之為士

者與王父母即祖也謂孫死應附於祖今祖尚存無可附亦附於

高祖也此與喪服小記

婦附於其夫之所附之如無妃則亦從其

中以上而附者同

昭穆之妃妾附於妾祖姑無妾祖姑則亦從其昭穆之妾妃配同夫之所

謂之配夫之祖母也無男子附於王父則配女子附於王母則不

配男子死而附祖者其祝詞云以某妃配某氏是祭王父并祭王

母惟得祭祖母不祭王父故不言以某妃配某氏也公子附於公

子謂公子之祖為君則公子不敢謂○君薨太子號稱子待猶君

也○有君在稱世子若薨稱子踰年乃稱君左傳非在喪王曰小

三年之練冠則以大功之麻易之唯杖屨不易此章言三年之喪

諸說不同謂母喪三年之練衰七升遺降服大功之麻衰七升則

易之非坊喪則不易之者范宣子之論也謂降服大功之麻衰並

得易父若母三年之練衰其正服大功七升八升九升三等之麻

衰則不得易者庚氏之論也謂降服大功及正服大功三等之麻

衰雖布有無於三年之練衰以新喪重皆得易之者賈疏之論也

陳註從庚說今按大功之喪帶麻不斷本服問云麻之有本者豈

難記上卷二



三年之葛藟芻蕘之論爲正也冠衰帶皆易而練服止言冠功衰  
麻者省文也註謂互言之也三年之喪至練時首經既除則  
有三年之練冠矣其時身服既練之練衰要仍既葬之葛藟而  
北又造大功之葬則以大功之麻衰易其練衰以大功之麻帶易  
其葛帶而首經既除其服大功之麻經又不待言矣惟杖屨不易  
用斬衰之葛杖齊衰之桐杖與既練之繩屨並仍不易而其餘無  
不易也所以然者重喪衰已殺而斬衰衰方切故其禮如此若大  
功至既葬受服之時則又反而帶三年之葛帶屨三年之功衰而  
惟經大功之麻經耳服間所云帶其故葛帶服其功衰是也言大  
功易練則齊衰易練可知舉上以包下也練冠制見後第八章  
有父母之喪尙功衰而附兄弟之殯則練冠唯句於殯稱陽童某  
甫不名神也禮三年之喪既練則受以大功之衰若此後尙服其  
而不改服此從教之義也凡殯陽厭祝詞並解陽童惟宗子之殯  
陰厭則稱陰童童者未成人之稱尊而神之故字以某甫而不以  
名呼此則從○凡異居始聞兄弟之喪唯以哭對可也此章言對  
喪之義也對猶哀對之對唯以哭對其始麻散帶經未服麻而奔  
其來計之人以哀傷不明他言也

喪及主人之成服也

始即始聞之始大功以上之兄弟其帶經之

垂若罔時未服麻而即奔喪者以道路既近可及主人未小斂成服而即至也

疏者與主人皆成之親

者終其麻帶經之日數

疏謂小功以下親謂大功以上疏者奔喪而至主人成服則與主人皆成之而已

親者則必終竟其麻帶經之日數而後成服也

○主妾之喪則自祔至於練祥皆使其子

主之其禴祭不於正室

此章言處妾之喪與妾處人之喪之禮也主妾之喪者女君死而妾攝女君則死而

君主其喪也耐祭君自生而練與大祥之祭則其子主之者耐祭耐練祥祭死也耐與祭不於正室者降於正適也君不撫

僕妾不撫其尸

女君死則妾為女君之黨服攝女君則不為先女

君之黨服

為去聲○女君死則妾猶服其黨是徒從也攝女君則不服以攝位猶攝也

○聞兄弟之喪

大功以上見喪者之鄉而哭

此章言處兄弟之喪之禮也奔喪者齊衰望鄉而哭此蓋謂降服大功與

凡喪降服重於正服

適兄弟之送葬者弗及過主人於道則送之於墓也

送兄弟之葬而不當送之時乃遇主人葬畢而凡主兄弟之葬

反則不可隨主人反哭必自至事所而後反也疏亦虞之

主其喪則當為畢虞謝之祭也○凡喪服未畢有弔者則為位而哭拜踊

凡者該五服而言大夫之哭大夫弁經大夫與亦弁經

與去經○大夫之喪既成服而大夫弔而哭之則身哭時與其弔事則身不服錫衰惟服皮弁服

已然首亦弁經者蓋吉內參用之禮也大夫有私喪之葛則其兄弟之輕喪則弁經

也於此時而遇無麻兄弟之輕喪雖大降時而無服而亦弁經而往不以私喪之未臨兄弟也禮大夫降

親緦麻兄弟無服故服弁經為平服疏曰若主人已成服則錫末成服則身素裳首弁經也

○為長子杖則其子不以杖即位此章言哭弔之屬之禮也

為去聲下同長上聲○其子長子之子也按禮祖不厭為妻父母孫長子之子亦得杖但與祖同處不得以杖殆其位也為妻父母在不杖不稽顙母在不稽顙則不杖不稽顙以大夫主適婦之喪

故也。若父沒母存，母不主喪。稽顙者，其贈也。拜，贈謂人以物助喪也。則子可以杖，但不稽顙耳。稽顙者，其贈也。拜，贈謂人以物助喪也。言其稽顙者，惟人以物來助而拜謝之可也。一說以物送死曰贈。即既久，禮贈用制幣是也。○此章言為子若妻之喪，之禮也。○  
達諸侯之大夫，不以服遺。大夫之諸侯，不以服遺。之臣，是也。自尊適卑，本是大夫之臣。今去為諸侯之臣，是自卑適尊也。而反服則疑為舊君喪，而反服則嫌為新君喪。故因反服之禮而別。○喪冠條屬，以別吉凶。三年之練冠，亦條屬。屬音濁。別音之也。  
總一條屬而為冠，以為武而垂下焉。雖小祥之冠亦然。但用緇為異耳。若吉冠則纁武各一物。如玉藻篇冠玄武之類是也。此冠飾之，右縫小功以下左。凡四冠，緇緇向右，吉冠緇緇向左。小功別也。  
總冠緣纁，緣謂為緇。總服之衰，雖其細如朝服而纁數則半之也。總冠緣纁，冠布總與衰同，但為纁則加以灰潔治之也。此又冠之別也。  
大功以上散帶，大功以上服重，故初死麻帶散垂，至成服乃別也。  
之別，朝服十五升，去其半而總加灰。句錫也。朝首滿去上聲。○朝也。朝服十五升，去其半而總加灰。句錫也。朝首滿去上聲。○朝也。

計終幅凡一千二百縷去其半則十四升有半計一千五百六十  
縷是為總麻有註率謬今以問傳正之若加灰潔治則所謂服  
之錫衣也儀禮有事其縷無事其布曰總無事  
其縷有事其布曰錫衣如此此素布之別也 ○諸侯相縵以後

路與冕服先路與襲衣不以縵路冕服視襲衣亦為後矣縵不以  
正率正服者以其死者不用以為正也吳氏曰遺車視率具疏布  
縵以衣服縵以重馬但言縵者包圍在其中也

轉四面有章置千四隅太半包九箇遺車九乘諸侯太半包七箇

遺車七乘大夫太半包五箇遺車五乘天子之上士少半包三箇

遺車三乘也轉見篇首陳蔽隅角也遺車之上以鹿布為輅其四

面皆有物為障蔽而入簾蔽輅有子曰非禮也喪焚脯醢而已

可以置子棺之四角也 ○祭稱孝子孝孫喪

之飯無黍稷故有子以載輅為非禮者牲豕  
乃是醢醢之義也 ○此章言縵遺之禮也 ○祭稱孝子孝孫喪

稱哀子哀孫端衰喪車皆無等祭謂吉祭喪謂喪祭也卒哭以後

以前為內祭故稱哀子或哀孫端衰制如吉時玄端而綴衰六寸  
於中故以端名哀喪車謂惡車也皆無等者明皆不以貴賤為等

孝也士虞禮稱哀子卒哭後乃稱孝子曲禮諸侯臨內祭祝亦稱孝子是稱孝則哀無等也喪服斬齊章及孟子齊衰之服自天子  
至是端衰無等也士喪禮主人乘惡車白狗繫周禮巾車王之喪  
車五乘而始遭喪至卒哭之車亦白狗皮為褊龍惡始與士同惟  
卒哭後漸趨吉耳是喪車無等也此言喪祭車服之達禮也  
○大白冠緇布之冠皆不鞋委武

玄緇而後鞋大音奉○大白冠太古之白布冠後世之喪冠也緇  
布之冠古齊冠後世諸侯以下始冠之冠也鞋纓也

垂也二冠一以喪因一以古質故皆不鞋明非吉冠比矣冠之下  
卷為委武秦人呼卷為委齊人呼卷為武玄謂吉服之玄冠也緇

謂子喪既祥及孫喪之緇冠也喪冠惟條屬為武吉冠乃別為大  
武而垂纓為鞋而二冠由因趨吉故稱委武玄緇而後鞋也

夫冠而祭於公弁而祭於已士弁而祭於公冠而祭於已士弁而

親迎然則士弁而祭於已可也冠迎前大聲○冠緇冕弁雖弁冠

畢故冠冕也然按儀禮少牢上大夫自祭用玄冠不用弁此大夫

蓋指孤而言與又士親迎可暫用弁士祭有常禮不可用弁則記

者以為可亦失矣○此章言吉凶冠○幅曰以樹杵以梧此以下

之異制而因言冕弁與冠之異用也  
禮記上  
卷二  
七

皆鋪舉喪禮而明之也。楊幹也。也。楊柏也。蓋楊幹也。枕以桑長三尺。中。以柏木為日。梧木為柱。柏芳香而梧潔白故也。

或曰五尺。畢用桑長三尺。刊其柄與末。升以入鼎。又自鼎煮以入。祖而主人舉肉之時。執事者復以畢助之。此二器皆祭用。○率帶。蘇木為之。喪祭用。桑木為之。而其柄與末皆加刊削也。○率帶。

諸侯大夫皆五采。士二采。率練用。以衣死故也。五采二采。飾之也。

與士喪禮。纁帶異者。皆以。○醴者。稻醴也。變醴。衛實見。閉而後。

折入。醴音武。街註讀作析字之誤也。○甕。甕皆瓦器。竹器。甕盛。

謂之見折亦大為之。形如牀。無足。直二橫五。加於甕上。以承抗席。

也。蓋葬時。變甕。甕析於見之外。枵之內。待之。事畢而後。加折。凡。

○凡。知人從其夫之爵位。謂婦人喪禮皆以夫。○小斂。大斂。啟。

皆辨。辨。編同。○斂。謂斂也。禮凡大斂。小斂。及既君來。弔其臣。及大夫弔其士。則報事而出拜。若其他家賓。則待事畢。編。

拜之註謂嫌當事來○朝夕哭不帷無柩者不帷無柩謂葬也

者終不拜故明之也○朝夕哭不帷無柩者不帷孝子朝夕哭則

喪舉其堂帷欲見殯柩也至葬後神主附廟○君若載而後弔之

則又入室而無事於堂帷矣皆不帷之意也○君若載而後弔之

則主人東面而拜門右北面而西出待反而後反柩載在車也此

謂若如來弔弔位在車東則主人在車西東面而拜在廟門內西

面北面而踊踊畢先出門以待拜送迨君命之反還喪所而後設

奠以告使之君之來弔也○說載謂○子羔之樂也爾衣裳與稅

衣纁神爲一素端一皮弁一爵弁一玄冠一曾子曰不襲婦服稅

同音家稱音員○子羔孔子弟子高柴以衣飯尸曰襲爾衣裳謂

衣裳相連而綿爲著也稅黑色纁絳色裳下緣曰袷蓋爾衣裳用

熟衣纁神爲表而合爲一袷也素端素裳皆素爲第二袷皮弁

白布冠而素裳爲第三袷爵弁玄衣而緇裳爲第四袷玄冕衣與

裳如爵弁而裳刺繡爲第五袷百兩衣裳之屬也爲現身之服玄

冕爲上服婦服指紼神而言士女禮陳祿衣即袷衣但不宜紼

神耳故會子非之○鄭氏曰禮以冠名服此皮弁爵弁玄冠者襲

其服非襲其冠也然玄冕爲大夫服未聞于羔焉爲襲之玄冕或



謂為玄端也。愚按鄭氏蓋以子羔未為大夫而疑其議耳。而此修與大夫五稱之數相符。則玄端非玄端之誤也。又考後章鄭注。以子羔三稱而子羔樂五稱并侯樂七稱。公九稱天子十二稱。以明尊卑之數。豈子羔實為大夫抑非孔子弟子之子羔與。○

為若使而死公館復私館不復公館者公官與公所為也私館者

白卿大夫以下之家也。為使並去聲。○公七踊大夫五踊婦人居

間士三踊婦人皆居間。○國若五日而殯凡七次踊始死一也明日

小斂五也小斂之明日六也又明日大斂七也大夫三日而殯凡

五次踊始死一也明日襲二也襲之明日三也其日小斂四也又

明日大斂五也十二日而殯凡三次踊始死一也小斂二也大斂

三也居間者凡踊男子先踊踊畢婦人踊踊畢有踊婦人后與

主之間也然踊節如此而親始死及朝夕舉柩又云哭踊無數者

此以禮之常節而言彼以哀心所感而言言其常節則公七大夫

五士三者綱也其每踊三跳三踊九跳謂之成踊者目也所謂踊

成踊者不拘其節矣喪禮記所謂無踊節及○公襲卷衣一玄端

所謂哭踊無數者也學者以義推之可矣

一朝服一素積一繡裳一爵弁一玄纁一纁衣一朱繡帶中加大

帶於上

卷裳同。卑者以卑服。錫躬而土服在上。如子羔之義。是也。公高。裳衣在上。故以錫躬而土服在上。服在身。卷衣者。謂龍山

之屬。於衣上。公之冕服也。玄纁。玄纁衣而朱裳。裳服也。朝服。繡衣而

素裳。日視朝服也。素纁。即皮弁以精素為裳。故名。視朝服也。繡裳

凡冕服之裝。皆繡。統謂亦。皆。龍任取一服也。凡此各一。稱。爵弁左

冕。見子羔章。爵弁始命所受服。故特片二。稱。示重。本也。玄纁。亦一

稱。裳衣。君所加。賜之衣。亦一。稱。最在上。以榮君。賜此公。裳。凡稱之

數也。裳用素。帶為結束。飾以朱絲。即玉藻所謂雜帶。其上重加大

帶。即玉藻所謂大帶。但生死。○小斂。環經。公大夫士一也。疏曰。環

經。即玉藻所謂大帶。但生死。○小斂。環經。公大夫士一也。疏曰。環

經。即玉藻所謂大帶。但生死。○小斂。環經。公大夫士一也。疏曰。環

經。即玉藻所謂大帶。但生死。○小斂。環經。公大夫士一也。疏曰。環

經。即玉藻所謂大帶。但生死。○小斂。環經。公大夫士一也。疏曰。環

經。即玉藻所謂大帶。但生死。○小斂。環經。公大夫士一也。疏曰。環

經。即玉藻所謂大帶。但生死。○小斂。環經。公大夫士一也。疏曰。環

經。即玉藻所謂大帶。但生死。○小斂。環經。公大夫士一也。疏曰。環

經。即玉藻所謂大帶。但生死。○小斂。環經。公大夫士一也。疏曰。環

經。即玉藻所謂大帶。但生死。○小斂。環經。公大夫士一也。疏曰。環

如此是爲僭  
不中禮矣  
○弔者卽位於門西東面其介在其東南北面西上

西於門主孤西面相者受命曰孤某使某請事客曰寡君使某如  
何不淑相者入告出曰孤某須矣弔者入主人升堂西面弔者升

自西階東面致命曰寡君聞君之喪寡君使某如何不淑子拜稽

顙弔者降反位  
相者去弔○此章言列國弔舍禮之綱而此首

作階之下而面西相者在大門之西而面東其副在其東南而面

面北又以介非一人其所以爲上以次而東而其副則皆西於

門而不敢當中門也受命受主賓之命也如何不淑慰問之辭言

何爲僭此因禍也須待也因禮不出迎故云須矣主人卽孤又稱

子者未卽位之稱也○按曲禮居喪之禮升降不由舍者執璧將

作階此立升由作階者蓋弔時異於無弔時也

命曰寡君使某舍相者入告出曰孤某須矣舍者入升堂致命子

拜稽顙舍者坐委於殯東南有畫席既訖蒲席降出反位宰夫朝

服卽喪屨升自西階西面坐取屨降自西階以東

舍去聲朝音潮○此言舍北圭

壁曰舍衣服曰襪車馬曰輿者爲正使此舍者以下卽介也舍  
玉者知璧圭璣圭未葬則設蒲席以承之既葬則設蒲席以承之  
國有遠近故來有先後而禮亦異北凡初遭喪主人不親受使大  
夫受於廟宮此親拜受者蓋遭喪久故北執玉不麻故著朝服又  
以在喪不可純吉故仍舊屨以束謂取藏於內也疏云案謂上襪  
卽夫字衍今以下文字與壁與圭至夫舉襪推之疏說是也

者曰寡若使某襪相者入告出曰孤某須矣襪者執冕服左執領

右執要入升堂致命曰寡若使某襪于拜稽顙委衣於廟東襪者

降受爵弁服於門內爵將命于拜稽顙如初受皮弁服於中庭自

西階受朝服自堂受玄端將命于拜稽顙皆如初襪者降出反位

率夫五人舉以東降自西階其舉亦西面

要平聲○此言襪也委  
於廟東註謂卽委壁席

上之北也門內謂門之內前也襪者致冕服訖遽降出受爵弁服  
及皮弁服朝服玄端服以終命于拜受皆如初但襪者受服於門

人之所各不同耳致從皆畢而宰上介順執圭將命曰寡君使某夫五人各舉一服以東亦如含也

順相者入告反命曰孤須矣陳乘黃大路於中庭北執圭將命

客使自下由路西子拜稽顙坐委於殯東南隅宰舉以東順音

執音胤○此言順也上介順明客使為衆介也乘黃四馬皆黃也

北執車之轅北向也白爾雅釋詁云車也下謂馬也由在上介

執圭將命畢從者即率馬以下設在路車之西而子乃拜受也由

是上介即跪置其主於殯東南隅之席上而宰亦俛其出而舉之

也按親禮車在西者親於賓也既夕禮車以西為上者為死者而

設也今順禮車馬在東者為助主人送葬而設紼於主人故也○

陸氏曰孤須矣從此盡篇未皆無某字有者非照按各條並小有

同異蓋互文與或謂順於生視含禮於死為輕客自臨視為君弔

亦輕故凡將命鄉殯將命于拜稽顙西面而坐委之宰舉殯與主

宰夫舉槨升自西階西面坐取之降自西階鄉去聲○總承弔含

禮之西南而面東北以向殯也面亦向也順者出反位于門

皆跪也子拜稽顙各介即西向跪而委之也

外上客臨曰寡君有宗廟之事不得承事使一介老某相執綏相  
者反命曰孤須臾臨者入門右介者皆從之立于其左東上宗人  
納麻升受命于君降曰孤敢辭吾子之辱請吾子之復位客對曰  
寡君命某毋敢視賓客敢辭宗人反命曰孤敢固辭吾子之辱請  
吾子之復位客對曰寡君命某毋敢視賓客敢固辭宗人反命曰  
孤敢固辭吾子之辱請吾子之復位客對曰寡君命使臣某毋敢  
視賓客是以敢固辭固辭不獲命敢不敬從客立于門西介立于  
門左東上孤降自阼階拜之升哭與客拾踊三客出送于門外拜  
稽顙如室綏音弗使去聲拾音青○上客即東中使之正使也自  
而舍而綏以至墮畢反位而後上客自行臨哭之禮此若  
聘禮之有私覲也門右謂東也禮宗人入門而右客入門而左今  
客入門右不敢居賓位也宗人視賓欲納此等類先受命於嗣君

然後諸客復位又以客辭入告於君反命於客如是者三客乃自  
出又拜謝其辱也○首二句舊註云賓屬於上介屬於客所謂成踊而客  
之下今味文義乃錯舉於此以起本節之詞非有誤也且如其說  
舍體禮而皆客反位而後舉樂以東則贈禮獨安得舉樂以東而  
後客反位哉蓋上節客屬不言客反位者省文而此錯見以起下  
者互文也學者詳之○石梁王氏曰○其國有君喪不敢受弔此  
此一章頗詳可補諸侯喪禮之闕○其國有君喪則臣於親喪不敢受  
下三章亦錯舉喪禮而明之也國有君喪則臣於親喪不敢受  
他國賓客之弔介君故也疏曰明哀痛主於君不私於親也○  
外宗房中南面小臣鋪席前祝鋪綬紵象士盟於盤北舉遷尸於  
斂上卒斂卒告子馮之賜夫人東而坐馮之與踊此二十二篇喪  
此說見○士喪有與天子同者三其終夜燎及乘人專道而行終  
本章○燎謂遷柩之夜光明也也乘人使人執引若  
以人為乘也專道而行故在路人皆避之也

有父之喪如未沒喪而母死其除父之喪也服其除服卒事反喪  
服沒國終也反猶還也言父喪未終喪而又遭母喪則當大祥除  
服父喪之時自服除起之服以行祥禮待祥禮畢乃還服喪母之  
服也然祥為吉祭必母祥後乃行若母喪未雖諸父昆弟之喪如  
其不忍遽行吉禮下文云以類練祥皆行是也  
當父母之喪其除諸父昆弟之喪也皆服其除喪之服卒事反喪  
服又言諸父昆弟之喪其除喪之服亦不為親喪而廢也蓋除服  
以重廢輕惟遭君喪則不得如三年之喪則既顯其練祥皆行  
自除私服曾子問言之矣如三年之喪則既顯其練祥皆行  
同○類草之類者虞祭也當以葛經易麻經而無葛之經川類  
代其故者既為為既顯也言前後喪俱三年則俟後喪既受葛乃  
練此申首節之意也王父死未練祥而孫又死猶是附於王父  
也禮前在練前給在祥後未練祥嫌祖尚未給有殯聞外喪哭之  
於太祖昭穆耳然祖祢之役則孫可酬矣有殯謂親喪外喪謂  
他至入殯卒奠出改服卽位如始卽位之禮遠兄弟之喪也哭之



室明非哭也其哭之明曰入奠奠當奠畢而出乃脫本服著  
新喪之服以即昨日他室所哭之位一如昨日始聞即位之禮也  
○此章類言當 ○大夫士將與祭於公既視濯而父母死則猶是  
喪遺喪之禮也

與祭也次於異宮既祭緇服出於公門外哭而歸其他如奔喪之

禮如未視濯則使人告告者反而後哭

與去聲○視濯謂緇祭而  
監視濯濯之器也故雖親

死猶是在吉禮之中而不敢遽哭於未祭之前但次於異宮以示  
吉因不相干之意而已如但受宿戒而未視濯濯則使告於君侯

反而如諸父昆弟如姊妹之喪則既宿則與祭卒事出公門緇服  
哭也

而後歸其他如奔喪之禮如同宮則次於異宮

宿謂祭前三日受  
宿戒也此雖猶未

視濯然既宿則必與祭者以期以下服輕故也如死者是已同宮  
之人則亦出次異宮以示吉凶不相干之意但與告反而哭者則

有間 曾子問曰卿大夫將為尸於公受宿矣而有齊衰內喪則如

之何孔子曰出舍乎公宮以待事禮也

為尸亦與祭之意  
也說見曾子問篇孔子曰

尸弁冕而出卿大夫士皆下之尸必式必有前驅亦見曾子問篇蓋因爲尸而衍

於此父母之喪將祭而昆弟死既殯而祭如同官則雖臣妾葬而

後祭將祭謂將行小祥或大祥之祭也其時兄弟適死則俟既殯而祭蓋以兄弟異宮猶說可以祭也若同宮則雖殯如臣妾

亦葬而後祭而未葬不可也况兄弟乎凡此皆以吉凶不祭主人相干也喪服遠有死於官中則爲三月不舉祭此之謂也祭主人

之升降散等執事者亦散等雖虞祔亦然祭承上殯而後祭言之也故謂栗也等階也祔

吉祭則涉級聚足是祭則栗階今行二祥之吉祭而主人執事升階前栗階者以兄弟之喪方殯故也虞祔謂葬時之虞祔承上葬

而後祭言之或言祭不言殯或言葬不言祭互文也至既葬虞祔乃行二祥之祭視既殯還矣而升降亦皆栗階亦以同官兄弟及

臣妾之喪方葬故也按燕禮栗階不過二等始升猶聚足連步○至二等則左右足各一發而升堂○此章言吉祭遺喪之禮也○

自諸侯逮諸士小祥之祭主人之酢也嘏之衆賓兄弟則皆啐之

大祥主人啐之衆賓兄弟皆飲之可也嘏齊去聲啐音翠○至齒爲啐入口爲啐卒爲爲飲

禮記下

主人受酢而噴之衆賓兄弟受獻而凡侍祭喪者告廣祭薦而不

食侍祭喪謂相喪祭之禮薦謂脯醢之薦相禮者告廣祭所薦而

主人獻賓賓受獻主人設薦時也虞附無獻賓之禮○此章言祭之飲食之禮也○子貢問喪子曰敬爲

上哀次之瘠爲下顏色稱其慼戚容稱其服稱去聲○喪謂父母

謂附於身附於棺者皆欲其必誠必信是也哀次之如所謂毀致

乎哀而止微過高遠而畧細微是也瘠爲下如所謂毀瘠不形不

稱其服則無過不及而中於禮矣請問兄弟之喪子曰兄弟之

喪則存乎齊策矣存乎書策者以見可依禮籍而行非若父母之

之等也○君子不奪人之喪亦不可奪喪也見曾子問篇喪曾子問

子問篇子夏以三年之喪卒哭不避金革之事爲問而孔子引以答之如此今無終起而直言此二句則所指更廣矣孔子曰少連大連善居喪三日不怠三月不解期悲哀三年憂東夷之

子也

解制同期非同○此引以明不自奪喪之意也三日緇始死

也

四者因時得宜而無過不及可謂善矣稱東夷之子者蓋善其

能

拔於俗也按家語曲禮子夏問篇子貢問曰聞諸晏子少連大

連

善居喪其有異相乎孔子謂之如此○三年之喪言而不語對

末

云東夷之子達於禮者也其文較明

而不問處聖室之中不與人坐焉在聖室之中非時見乎母也不

入門

見音現○言自言已事也謂為人論說也故聖室制見前篇

之時

始入見乎母言則不入也疏齊皆居聖室不處廬殿者也

言

聖室中則倚廬中可知矣疏齊皆居聖室不處廬殿者也

謂

齊衰也齊衰有三年者有五月三月者凡喪次斬衰居

倚

廬既練居聖室齊衰皆居聖室大功有帷帳小功緦麻有床第

嚴

出也處乃廬廬之所妻視叔父母姑姊妹視兄弟長中下殯視

以

中處衰不處之危也妻視叔父母姑姊妹視兄弟長中下殯視

成人

長上聲○哀戚輕重各有所比殯服親喪外除兄弟之喪內

除

朱子曰外除日月已竟而哀未

除

哀內除日月方竟而哀已歟

除

君之母與君之妻比之兄弟

除

難記下

祭諸顏色者亦不飲食也

小君比兄弟之喪則既葬食肉飲酒可矣以服輕而哀殺也然其珍醇可以發

見顏色者亦不飲食所以重君也○此章亦言喪服之等也

○免喪之外行於道路見似目瞿

聞名心瞿弔死而問疾顏色戚容必有以異於人也如此而後可

以服三年之喪其餘則直道而行之是也

瞿音句○似瞿也瞿驚變之意言見人貌有瞿

其親者則目為瞿然聞人稱名有與親同者則心為瞿然而弔死問疾則戚容必有加於無憂之人也其哀心誠切至免喪猶如此而後可以服三年之喪以親喪非其餘比也其餘則不過直道而行以循喪禮而已

祥主人之除也於夕為

期朝服祥因其故服

期其同朝音潮○祥謂大祥之祭也朝服小期除成喪者其祭朝服縞冠是也言祥祭乃

主人除服之節則於前夕而告祭期必服朝服而至且祥祭因服

其前夕故服之朝服也○疏曰註謂朝服為正祭服者據少牢禮

諸侯卿大夫朝服而祭言之雖記端衰喪車皆無等則祥禫尊卑

同服故云正祭服也從祥至吉凡服有六祥祭朝服縞冠一也祥

訖素縞麻衣二也禫祭玄冠黃裳三也禫訖朝服縞冠四也踰月

吉祭玄冠朝服五也既祭玄端而居六也既祥乃服素縞麻衣者

以祥祭奪情故朝服縞冠祭訖哀未忘其服稍重朝子游曰既祥服縞冠亦此意也陸氏曰絞息廉反無經白緯曰縞子游曰既祥雖不當縞者必縞然後反服疏謂大祥後有來贈賻者雖不主常祥祭縞冠之時主人必祥服縞冠以受弔然後反服大祥後者縞麻○堂祖大夫至雖當踊絕踊而拜衣也○此章言祥除之節也

之反改成踊乃襲於士既事成踊襲而後拜之不改成踊當祖謂

也反還改更也襲襲其祖也既畢也言士喪倣竟當祖而大夫來弔雖當踊時必絕止其踊而出拜拜竟還位更為成踊乃襲若士之來弔則不然主人必畢倣事而成踊踊畢而襲襲畢乃拜之而已蓋弔與不相敵禮當然也○上大夫之虞也

少牢卒哭成事附皆大牢下大夫之虞也植牲卒哭成事附皆少

牢少去聲大音泰植特同○卒哭謂之成事成吉事也附附廟也卒哭附牲皆加一等其禮大於虞也○此二章言大夫士弔祭

之與○祝稱卜葬虞子孫曰哀夫曰乃兄弟曰某卜葬其兄○弟

曰伯子某卜葬虞者葬後即虞故兼稱之也子卜葬父則祝辭曰哀子某卜葬父某甫孫則曰哀孫某小葬祖某甫夫則

難記下

曰乃某卜葬妻某氏乃者爾爾妻事故也兄弟均曰某但兄為弟  
 直曰某卜葬弟某而已弟為兄則曰某卜葬伯子某而不曰兄某  
 者是乃所以尊兄也○此章明卜葬祝詞之異禮也○古者貴賤皆杖叔孫武叔朝見輪人

以其杖開殺而輟輪者於是行傳而後杖也輟音蹏○開穿也輟

杖穿車轂之中而迴轉其輪即輟甚矣自後乃禁使無壽者不杖也繫巾以飯公羊買為之也飯上

飯舍也大夫以上使賓為親食故以巾覆尸面而穿其當口處以

入舍玉恐尸為賓憎也士賤不得使賓則子自含而不以巾覆面

矣公羊買士也而繫以含是情其○冒者何也所以掩形也自襲

以至小斂不設冒則形是以襲而後設冒也冒說見王制及喪大

形見也言尸雖已著衣若不設冒則尸○或問於曾子曰夫既遣

象形見為人所惡是以襲後必設之也而包其餘猶既食而裹其餘與君子既食則裹其餘乎曾子曰吾

子不見大饗乎夫大饗既饗為三牲之俎歸于賓館父母而賓客

子不見大饗乎夫大饗既饗為三牲之俎歸于賓館父母而賓客

夫音狀與平聲不同卷上聲○禮  
記通典疏卽以往禮之餘包置通

此孝子所以悲哀之至也故重言以喻之非爲人喪問與賜與

之與意以哀死之有遺贈猶生之有同賜故類及之地然此上

疑有闕失。此二章言  
○三年之喪以其喪非三年之喪以吉  
設冒棺之制之意也

拜此下各章皆言喪期之節也○此章言葬而後其吉葬  
拜而后棺槨已訖殷拜而后棺槨則棺槨而後拜疏謂殷自  
斬衰至總麻皆拜而后稍類則三年之喪及杖期喪皆稍類  
而后拜不杖期以下皆拜而后稍類也○此章言喪拜之節也○

三年之喪如或遺之酒肉則受之必三辭主人哀絀而受之如君

命則不敢辭受而薦之。這音偏下同。按喪大記既葬君食之則食之大夫父之友食之則食之與此畧同

而文有喪者不遺人人遺之順猶肉受也從父昆弟以下既卒哭



不遺人哀故也服輕哀殺則可矣石梁王氏曰居喪有酒肉之遺蓋疾者與○此章言居喪問遺辭受之節也

平聲。刻，削也。親斬也。殺。

三年之喪雖功衰不弔自諸侯達諸士如有服

功衰謂小祥後之衰與大功同也。雖功衰時不往弔於無服之人者重。

親喪也。如有五服之喪而往哭則不著己功。衰而必服彼期之喪之服者重服屬也。二者皆違禮往哭不言違者。家上文也。

註曰此謂父在爲母也疏曰父在爲

弔哭而退不聽事焉有大功喪而既葬

期之喪未葬弔於鄉人哭而退不聽

大功猶既葬而弔則喪乃未葬而弔者  
儀禮喪服傳姑姊適人無主者姪與

兄弟爲之齊衰不杖期蓋謂此與此喪雖未葬亦可哭而遇  
不聽事猶大功之既葬也其既葬又以大功之衰而居於人則可

待主人陳飯等事。但小功總執事不與於禮。與去聲。○事謂相  
不親自執其事耳。服同等者服輕從殺也。道如事輕故可執饋奠。○相趨也。出宮而  
禮重故不與。○此章備言居喪弔哭之節也。

退相揖也。哀次而退相問也。既封而退相見也。反哭而退朋友虞

附而退。封定同。○此承上章之意。而因言凡弔葬之禮也。相趨者

齊相趨為敬者也。故其弔葬至祭出廟之宮門而退相揖者。又齊  
相曾為禮者也。故待至大門之哀次而退相問者。是有往來交  
際者也。故待之畢而退相見者。嘗執紼行相見禮者也。故待孝子  
反哭於家而退朋友是更恩義隆重者也。故待祭祭畢而退  
此皆以情之弔非從主人也。四十者執紼鄰人五十者從反哭四  
十者待銘垓。

又言弔葬者是為田助。用後非從隨從主人而已。故  
幾年未過四十而強且壯者皆當執紼。此以力之強  
弱為節也。其同鄉尤非異鄉。此雖五十而宜省所助主人反  
哭而四十者則待土盈塋乃去。此又以地之遠近為節也。○喪  
食雖惡必克飢飢而廢事非禮也。飽而忘哀亦非禮也。親不明聽

不聽行不正不知哀君子病之故有疾飲酒食肉五十不致毀六

十不毀七十飲酒食肉皆為疑死為去聲○首六句皆言之也親

言憂也五十以下皆言有服人召之食不往大功以下既葬適人

老也疑死者恐其死也人食之其黨也食之非其黨弗食也適猶往也黨謂宗族與親戚也

見食黨則可矣有服通五服功衰食菜羹飲水漿無醢醢不能食

而食又言大功以下明殺也功衰食菜羹飲水漿無醢醢不能食

食醢醢可也醢音各○功衰見前蓋新衰齊衰之末服也孔子曰身

有瘍則浴首有創則沐病則飲酒食肉毀瘠為病君子弗為也毀

而死君子謂之無子傷音羊創猶同○曲禮不勝喪比於不慈不

也○非從柩與反哭無免於地免音問地音庚○而路也言有喪

者免行於道路非此則否以見在道不宜於因服而居喪不可以

輕出也小記遠葬者比反哭皆冠及郊而後免可以得其意矣

凡喪小功以上非虞附練祥無沐浴謂功喪之於虞附則喪之於練與祥也必四祭乃沐浴以見交神必虞附與練三年喪之於虞附致其精明而居喪則無取乎精潔也○疏衰之喪既葬人請見

之則見不請見人小功請見人可也大功不以執紼紼與同○疏衰齊衰也以

下文父母之喪推之此蓋指齊衰旁期及齊衰五月齊衰三月而不指母喪與請見人親人請見為重而始請見人而執紼視凡請

見人又重故即見不見以明齊功以唯父母之喪不辟涕泣而見

下之禮異也大小功皆承既葬而言唯父母之喪不辟涕泣而見

人辟避同○見人謂尋常見人非人請見與請見人之比也然齊功以下見人必避涕泣惟親喪不避則即見見人之禮親喪又

獨異矣其不受人請見與請見人豈○三年之喪祥而從政期之

待言哉○此章言居喪見人之節也○卒哭哭而從政九月之喪既葬而從政小功總之喪既葬而從政

從政謂供力役之征也註曰以王制言之此謂庶人也疏曰此庶

人之禮若大夫士三年之喪期不從政是正禮也卒哭金革之事

無降是權禮也○此章○曾申問於曾子曰哭父母有常聲乎曰

中路嬰兒失其母焉何常聲之有

中路猶言半途也嬰兒乍失其母哀痛之極無復音節哭親喪

如之所謂

○卒哭而諱

卒哭以前猶以生禮事之故不諱卒哭以後則以鬼道事之故諱此總言諱尊親之

義王父母兄弟世父叔父姑姊妹子與父同諱

此以下析言之也王父母以下舊謂

父之王父母之屬父之所諱子亦不敢不諱故同諱也蓋父之王父母父之世父叔父及父之姑已皆正服小功本不合諱乃從父

而諱之而父之兄弟父之姊妹已皆正服期父本自當諱也故約

之如此然按王侯知大夫之廟制諱及王父以上而兄弟伯叔之

屬有不諱則此從而諱者蓋父為士與庶人不母之諱

宮中諱妻

之諱不舉諸其側與從祖昆弟同名則諱從去聲○本節末句未

詳舊說母為其親諱則

子於宮中亦為之諱妻為其親諱則夫於其側亦不補蓋非官中

非其側猶可稱也若母與妻所諱者適與已從祖昆弟同名則雖

他所亦諱之矣鄭氏曰上文父之王父母父之世父叔父及姑皆

子與父同諱則子之曾祖之親盡矣而從祖昆弟亦曾祖之親也

於父諱父不為諱已亦不得從而諱今與母妻之親同名則以重

累而得為之諱矣愚按據此則小功親皆放此蓋亦舉以為例與

○以喪冠者雖三年之喪可也既冠於次入哭踊三者三乃出

司○此章言居喪冠昏之所也次喪次也當冠而遭喪則服而遂加冠於喪次雖三年之喪亦可也既冠於次乃

也於是乃出就次矣詳見曾子問大功之末可以冠子可以嫁子

父小功之末可以冠子可以嫁子可以取婦已雖小功既卒哭可

以冠取妻下殯之小功則不可取娶同○末謂服過半而將終也

之末言父不言身互文也獨於小功之末言娶婦者娶婦集燕飲

惟小功之末乃可也又言小功卒哭已可以冠且娶者據其父

小功之末則已總麻之服除矣若據其父大功之末則已小功之

服未除疑於情不可冠娶故特明之也獨下殯之小功不可冠娶

者以日期服而降本服重故也○張子曰首大功以下十二字疑

荷而父小功之末句宜直云父大功之末蓋父大功則已是小功

已之子是親至其末而冠娶者固已無服矣所以言荷者以上十

二字義無所著也陳註曰當以末為卒哭按大功卒哭後尚有六

月恐不可言末小功既言末又言卒哭則末非卒哭明矣蓋服將

除時也懸按子已大功之末猶同而於父則小功之末方可語意

禮記集說卷七

相反不可解此章為互文之說精通也張子之  
論語意明淨而陳竊末字亦有理並宜從之 ○凡弁經其衰侈

袂著素弁而加以一版現經謂之弁經其服有錫鞶總衰疑衰

袂皆不服也倭大也袂小者二尺二寸大則三尺三寸蓋不純因

之意 ○父有服宮中子不與於樂母有服聲聞焉不舉樂妻有服

不舉樂於其側大功將至辟琴瑟小功至不絕樂 ○與去聲辟音壁

禮大司職序宮中之事同義宮中子不與於樂謂凡樂宮中概不

與聞也雖聞焉不舉樂可與聞而不可舉也不舉於其側可舉而

不可在側也有大功喪服者將至亦為之屏退琴瑟有小功者則

雖至樂不為止蓋一以重輕為隆殺也○陳氏曰按註疏宮中

子與父同宮之干也命士以上乃與宮不與於樂謂在外見之不

親應也若異宮則得與矣聲所聞不舉則近不舉其側則尤近輕

重之節如此長樂陳氏曰不得與聞於樂况舉樂乎不得舉樂則

聲聞焉可矣母殺於父也樂不止琴瑟琴瑟待常御者耳服大功

者將至雖辟琴瑟可也樂可知已愚按同宮之子不與而命士以

上異宮可與是孝以爵殺恐無足理也且謂聲為母所聞則不舉

似有理然父有服而異宮之子與樂其中豈無有聲聞於父者是

父有服較輕於母矣故知宮中為凡樂宮中而聲聞焉為子得與

聞皆甚明也夫宮中子不與於樂猶言子不與樂於宮中也自人  
為之之謂與自我為之之謂與不與猶可與也不與則益嚴矣  
樂之說具在野名蓋活樂焉  
○此章言尊親之服宜體也  
○姑姊妹其夫死而夫黨無兄弟使

夫之族人主喪妻之黨雖親弗主  
夫黨之兄弟謂其親族族人謂

主以四鄰推之可見言姑姊妹之喪其夫死無子而又無親族兄

弟者則夫之近親族人皆可主其喪而其本親不可主其喪以婦

人於本親降服而夫若無族矣則前後家東西家無有則里尹主

之或曰主之而附於夫之黨  
附於夫之黨謂其祖姑也又言夫之

同姓親者之屬皆以明本親不可主之意也或又謂妻之黨主之

而附於其夫之黨之祖姑者蓋亦以四鄰之義推之與故稱或

以通之○此章言  
○麻者不紳執玉不麻麻不加於采  
麻謂衰服

大裘之屬宜別也  
麻者不紳身所服與要所繫若不亂也執玉不  
紳者所執與身所服者不違也麻不加於采外所繫與內所著者  
不相掩蓋上下表裏其裁然難假  
○國禁哭則止朝夕之奠卽位  
如此○此章言古因之服宜辨也



自因也

國禁哭謂隔有大禁而死者不敢哭也然朝夕之哭則即其階下之位而自因禮節又所之亦君子不自廢

其哭之意也

○童子哭不偯不踊不杖不菲不廬偯音倚○偯委曲聲也菲草屨也廬倚廬

也言童子未備成人之禮也

○孔子曰伯母叔母疏衰踊不絕地姑姊姊之大

功踊絕於地如知此者由文矣哉由文矣哉

絕猶離也伯叔姊之齊衰服重而踊不離

地者義勝情也姑姊姊之大功服輕而踊必離地者情勝義也孔子言知此意者能用禮文矣哉蓋美其得禮之微也 ○世

柳之母死相者由左泄柳死其徒由右相山右相泄柳之徒為之

也相去幾○由左禮也悼公弔有若之喪而

○天子飯九具諸侯

七大夫五士三

飯上聲○飯舍也具水物古者賓以餽貨按士喪禮具三實於筯而上篇舍者執璧同禮天子飯舍

玉則此禮具

士三月而葬是月也卒哭大夫三月而葬五月而葬

哭諸侯

三月而葬七月而卒哭

卒哭祭名也前此哭無時既葬而哭乃朝夕哭而不哭無時矣故以

卒哭名士三虞大夫五諸侯七虞之言安亦祭名也既葬而祭以其祭也

哭虞尊卑○諸侯使人弔其次舍綈隨臨皆同日而畢事者也其

次如此也言諸侯楚鄰國遣使弔弔為先次舍次綈次○卿大

夫疾君問之無算士壹問之喪大記云君於大夫三問此乃云無算者蓋三問者親往而無算者遣使

與式曰恩加君於卿大夫比葬不食肉比卒哭不舉樂為士比葬

不與樂此為並去聲○此章言○升正柩句諸侯句執

紼五百人四紼皆銜校司馬執鐸左八人右八人匠人執羽葆御

柩升正柩者柩制親到升柩用然柩謂柩於柩間而正之也

以正衆也司馬執鐸左右夾柩以警衆聽也羽葆為葆大夫之

義其升正柩也執引者三百人執鐸者左右各四人御柩以茅引

去

聲○引卽粹也。亦執以爲麾也。○孔子曰：管仲饗簋而朱軟。

此章言諸侯與大夫葬禮之等也。旅柩而反坫，山節而藻梲，賢大夫也而難爲上也。墓，墓節梲，詳見

屏也。立屏當路以蔽內外也。反爵之坫，晏平仲祀其先人，豚肩不

掩豆，賢大夫也而難爲下也。豚肩不掩豆，亦見禮。君子上不僭上

下不偪下。此章言過不及之非禮也。○婦人非三年之喪，不踰封而弔，如三年

之喪則君夫人歸。歸，嫁女爲父母期其未服則三年之喪，所稱之也。

也。夫人其歸也，以諸侯之弔禮，其待之也若待諸侯然。夫人至，入

自闕門，升自側階，若左。奔喪用諸侯禮，待之亦用諸侯禮。婦人

側階爲東房階，而非正階。其主國君在，其他如奔喪禮然。謂哭踊

階上亦不降，迎又男女有別之義也。○此章言婦人。○嫂不撫叔，叔不撫嫂。

婦者，元而撫其尸。○君子

有三患未之聞患弗得聞也既聞之患弗得學也既學之患弗能

行也

此君子指為學者言也

君子有五恥居其位無其言君子恥之有其言

無其行君子恥之既得之而又失之君子恥之地有餘而民不足

君子恥之衆寡均而倍焉君子恥之

行去聲○此君子指為政者言也失謂無德而失位也一

云謂不能據德而又失其德也信不親遠也居其位無其言是從

決而虛位也有其言無其行是無實而虛說也既得之而又失之

德喪德而見棄也地有餘而民不足是有土而無人也衆寡均而

倍焉是有人而不率也○嚴陵方氏曰孔子嘗謂鄒夫患既得而

失之此乃言君子恥既得而失之蓋鄒夫之心在乎固其位君子

之心存乎損其位勢雖以固位而失之者小人也德無以稱位

而失之者君子所恥也愚按自此至終篇凡十七章內除四年恤  
由獻子成廟四章為喪祭之禮餘皆雜記諸禮故以名篇說見上  
篇之  
○孔子曰凶年則乘驂馬祀以下牲  
驂音奴○馬最下曰驂馬周禮按人六馬種戎  
齊道田驂是也下牲亦如之或曰大牛驂用少牛七年驂用  
特牲也王制凡祭豐年不殺凶年不儉蓋以大節言之與  
○恤

由之喪哀公使孺悲之孔子學士喪禮士喪禮於是乎書

本章多未詳恤

由疑公之族屬皆為士者孺悲疑亦公臣或其家之治喪者故使  
注學禮於孔子而行之也鄭氏曰時人轉而僭上士之喪禮廢矣  
孔子以放焉悲乃  
復書而存之也 ○子貢觀於蜡孔子曰賜也樂乎對曰一國之

人皆若狂賜未知其樂也子曰百日之蜡一日之濯非爾所知也

樂音洛 ○蜡祭見郊特牲若狂醉亂貌百日言其久謂一年也孔  
子言百日之蜡久勞而方息一日之濯暫歇而為歡此宜爾所得

知也蓋言張而弗弛文武弗能也弛而弗張文武弗為也一張一  
弛義大也

弛文武之道也

張張弛也弛弛弛也弛能者言其勢弛為者言其

則體變猶民之為道久勞而不息則神憊久息而不勞則志逸也聖王之治勢息以時以此而已

○孟獻子曰正

月日至可以有事於上帝七月日至可以有事於祖七月而禘獻

子為之也

孟獻子魯大夫仲孫蔑也正月周建子之月其月日長至謂之冬至有事於上帝謂郊祭也七月周建午之月

其月日至于謂之夏至有事於祖謂禘祭也按明堂位季夏六月以禘禮祀周公乃建已之月而今川建午之月意以郊禘大舉取至相對而變其禮也然不言自獻于始而但言獻于為之蓋一時之事與○夫人之不命於天子自韓昭公始也昭公娶吳為同姓不敢告天子天子亦不命為夫人人及卿大夫之妻則后命之玉藻註天子諸侯命其臣后夫人亦命其妻也愚按禮所引似再臨然非理矣此明命於天子即玉藻亦云君命所猶不云后命也如其說則命不自天子出而中外謂之二聖可耳且其去聖收歸封之弊又兼何哉或曰后夫人不君命命之外宗為君夫人猶內宗也命於天子而皆尊之意也首意為近之外宗為君夫人猶內宗也命於天子而皆尊之意也疏曰外宗謂君之姊妹妹之女舅之女及從母之類內宗則君之姊妹也猶內宗者內宗為君服斬衰為夫人服齊衰外宗並同之也然君夫人者是人所稱號此外宗者專謂姊妹妹之女嫁在國中者與古者夫大夫不外娶故君之姊妹妹多嫁於國中大夫諸侯不內娶故舅女及○廐焚孔子拜鄉人為火來者拜之士壹從母多不得在國中也○廐焚孔子拜鄉人為火來者拜之士壹大夫再亦相弔之道也為火來者弔之也宗伯疏以弔禮哀禍○災是也相弔之道謂待相弔者之道

孔子曰管仲遇盜取二人焉上以為公臣曰其所與遊辟也可人

也管仲死桓公使為之服位於大夫者而為之服也自管仲始也

有君命焉爾也

辟辟同。○上猶升也。位位也。孔子言管仲遇盜盜

交遊者是邪辟之人故誘為盜其此二人本是堪可之人也其後

仲死桓公乃使二人為仲服記者言大夫為臣而為之服自此始

以君命不可違也蓋違大夫而為之服則不○過而舉君之諱

為大夫反服公則不忘仲之舉賢而命之爾

則起○過譏舉稱也。失言不自與君之諱同則利字○諸臣之名或同

敬者○內亂不與焉外患弗辟也○此言卿大夫在國若臣僚有謀

亂者亦能討則討之不能則謹守不相干與而已

其或敵寇為患則弗得逃避當力捍以死義也

○贊大行曰圭

公九寸侯伯七寸子男五寸博三寸厚半寸刻上左右各寸半玉

也藻三采六等

刻照上條藻一作緇○贊大行註謂古禮書之名其書蓋贊大行人之職事者也圭通謂圭三等璧

二等也判殺也博三寸專謂圭也厚半寸通謂圭若璧也殺其上  
左右各寸半亦謂圭也玉也者總謂圭文以起下也書宋曰藻以  
木如玉衣以草而畫朱白蒼三色為六行○哀公問子羔曰子之  
以藉玉也宋亦據圭而言璧二宋而已

食奚當對曰文公之下執事也

問其先世始仕食祿當何君時也文公至哀公凡七君○按此條首

尾不備有關文或曰當地下為章其先世嘗為宗祝成廟則毀之

之廟掌數廟屋宗器而因舉以序之也然不可考矣其禮祝宗人宰夫雍人皆爵升純衣雍人拭羊宗人祝之宰夫北

面于碑南東上雍人舉羊升屋自中屋南面割羊血流于前乃

降門夾室皆用雞先門而後夾室其廟皆于屋下割雞門當門夾

室中室有司皆鄉室而立門則有司當門北面既事宗人告事畢

乃皆退反命於君曰毀某廟事畢反命於君南鄉於門內朝服

既反命乃退

純作編拭音式到音余則音二純去聲○毀者以牲血塗毀之也爵升上服也純衣玄衣纁裳也拭潔也



祝祝辭也碑者庭中麗牲之碑也中謂屋東西之中門謂廟門夾室謂東西廂也門與夾室各一雞凡三雞亦升屋而創也創者將封羊剝雞先滅耳旁毛以薦神也皆于屋下者在廟與門與夾室之屋下門當門者當門屋之中夾室中室者當夾室之中也有司通謂率夫祝宗人也告事畢者先是君命率夫為禘主今告之而罔以反命於君也蓋其時君在路寢矣○按大戴禮諸侯設廟自為一路而文小路寢成則考之而不贊殿屋者交神明之道也成其不參之乃備也疏曰考者盛饌以客之康壽云器謂與賓客燕食以酒食流落之仰歡樂之義也此宗廟之器其名者成則贊之以綴豚綴音加○名者有名之器○諸侯出夫人夫人比至於其國以夫人之禮行至以夫人入使者將命曰寡君不敏不能從而事社稷宗廟使使臣某敢告於執事主人對曰寡君固前辭不敬矣寡君敢不敬須以俟命有司官陳器皿主人有司亦官受之比音秘使者使臣之使道去葬○出夫人者有過而出還其國也在道至人猶以夫人禮者以將命然後義絕也謹言寡

若不敢不能從夫人以事宗廟社稷不忍斥言其過也君言前  
采時因書以不教為辭矣亦答以遠也疏曰使者令所從有司之  
實陳夫人嫁時所齎器血之屬以還其國而其妻出夫使人致之  
國亦使有司官領受之明付受悉如法之意也

曰某不敢不能從而其泰盛使某也敢告於侍者主人對曰某之  
子不肖不敢辟誅敢不敬須以俟命使者退主人拜送之如舅在  
則稱舅舅沒則稱兄無兄則稱夫主人之辭曰某之子不肖如姑  
姊妹亦皆稱之其俱同盛音成辟避同○兄謂夫之兄也稱舅當  
曰某之子某不敢稱兄當曰某之弟某不敢必稱  
之者命由尊者故也又言主人對辭者重言以起下文  
或某之姑不肖或某之姊妹不肖稱亦皆然也○孔子曰

吾食於少施氏而飽少施氏食我以禮吾祭作而辭曰疏食不足

祭也吾旅作而辭曰疏食也不收以傷吾子少去聲疏食之食去聲

魯惠公子施父之後也作起也辭者以詞相勸謝也疏食也殆者  
以飲澆飯也禮食竟更作三殽以助飽也傷害也言雖飯不敢強

以致害也。○方氏曰：孟子云：寧此而與之，行道之人弗受，乞人弗屑也。孔子食於少施氏而飽，重禮也。愚按：此輩與食於季氏參看，聖人時措之。○納幣一束，束五兩，兩五錢。納幣謂納徵也。八尺曰

室，雖小可見。○納幣一束，束五兩，兩五錢。納幣謂納徵也。八尺曰室，雖小可見。○納幣一束，束五兩，兩五錢。納幣謂納徵也。八尺曰

婦妹皆立於堂下，西面北上，是見已見諸父，各就其慶。因納徵而

禮也。言見舅姑之時，而夫之兄弟姊妹皆立堂下，則即是女雖見之，笑不復名，特見也。惟諸父乃旁尊，故明日各詣廢而見。女雖

未許嫁，年三十而笄，禮之。婦人執其禮，燕則鬋首。鬋，音平。○未許

前也。疏曰：十五許嫁而笄，若未許嫁，至二十而笄。許嫁則主婦為之，若笄女室以禮，禮之未許嫁，則婦人禮之，而無主婦，女賓不

備儀也。其燕居又去笄而分。○髧長三尺，下廣二尺，上廣一尺，會

去上五寸，純以綉，六寸不至下五寸，純以素，紃以五采。會音檣，紃音

純音準，紃音旬。○頭綰曰髧，旁綰曰紃。下綰曰純，諸綰同之。紃曰紃，音準，色草也。素，生帛也。去上之上，謂上廣之極上，至下之下

中餘二尺之極下也。陳氏曰：去上五寸，有會不至下五寸，有純其  
之說，明以暢矣。表裏各三寸，說雖無考，然表之兩旁各有純三寸，  
合之則亦六寸也。玉藻云：其頸五寸，肩革帶，廣五寸。今按玉藻之  
頸五寸，即此會以上之五寸，是頸之長也。上廣之廣，實一尺去兩  
旁之純，共六寸，其中四寸是乃頸之廣也。而玉藻註以頸之長五  
寸解為頸之廣五寸，其失甚矣。餘詳玉藻。